



全  
校  
水  
經  
注

ル 5  
134  
4



水經注  
卷九

呂  
34  
4

水經注第九

范陽酈道元注

鄞全祖望校

布政使銜浙江甯紹台兵備道無錫薛福成校刊

洛水

洛水出京兆上洛縣謹舉山

地理志曰洛出冢嶺山山海經曰出上洛西山又曰

謹舉之山洛水出焉東與丹水合水出西北竹山東

南流注于洛按丹水亦出冢嶺而不入洛○梓材按

也洛水又東尸水注之趙本引全氏曰按丹水不入洛道元繆

出尸山南流入洛洛水又東得乳水今按此八字改

水北出良餘山南流注于洛洛水又東會于龍餘之

水今按此十字改山海經曰今按戴無水出蠱尾之

山東流入洛水又東至陽虛山合立扈之水梓材按戴本此

下有山海經曰洛水東北流注於立扈之水十五字

詞者也王氏重錄本妄為是也又曰自鹿蹄之山以

至立扈之山凡九山立扈亦山名也而通與謹舉為

九山之次焉故山海經曰此二山者洛間也是知立

扈之水出于立扈之山蓋山水兼受其目矣其水逕

於陽虛之下山海經又曰陽虛之山臨于立扈之水

是為洛汭也

河圖玉版曰倉頡為帝南巡登陽虛之山臨于立

扈洛汭之水靈龜負書丹甲青文以授之即于此

水也

洛水北逕文邑舊本脫此句今以太平寰宇記又東

歷清池山傍今按戴無此字東合武里水水南出武里山東

北流注于洛洛水又東門水出焉今按此八字改爾

雅所謂洛別為波也波水見穀水注道元以門水當

全氏校語洛水又東要水入焉水南出三要山東北逕拒

陽城西而東北流入于洛洛水又東與獲水合水南

出獲輿山俗謂之備水也東北逕獲輿川世名之為

卻川東北流注于洛洛水又東逕熊耳山北今按此

經爲注 禹貢所謂導洛自熊耳博物志曰洛出熊耳  
戴趙同 蓋開其源者也

東北過盧氏縣南

洛水逕陽今按戴作陽下同渠關北今按此七字改陽渠水

南出陽渠山即荀渠山也其水一源兩分川流半解  
一水西北流屈而東北入于洛山海經曰熊耳之山  
浮豪之水出焉西北流注于洛疑即是水也荀渠蓋  
熊耳之殊稱若太行之歸山也故地說曰熊耳之山  
地門也洛水出其間是亦總名矣其一水東北逕陽  
渠城西故關城也其水東北流注于洛洛水又東逕

盧氏縣故城南今按此十一字改

竹書紀年晉出公十九年晉韓龐今按戴作龍取盧氏

城沈炳巽曰今竹書作取秦武城亦見史記王莽之昌富也

有盧氏川水注之水北出盧氏山東南流逕盧氏城

東今按趙作而東南今按趙無此字流注于洛洛水又東翼合三

川並出縣之南山東北注洛

開山圖曰盧氏山宜五穀可避水災亦通謂之石  
城山山在宜陽山西南千名之山咸取其內陵阜  
原隰易以度身者也

又有葛蔓谷水自南山流注洛水洛水又東逕高門

城南

卽宋書所謂後軍外兵龐季明入盧氏進達高門木城者也

洛水東與高門水合今按此八字改經爲注戴趙同水出北山東南

流合洛水枝津水上承洛水東北流逕石勒城北又

東逕高門城北東入高門水亂流南注洛洛水又東

松陽谿水注之今按此十字改經爲注戴趙同水出松陽山北流注

于洛洛水又東逕黃亭南又東合黃亭谿水水出鵜

鵠山

山有二峯峻極于天高崖雲舉亢石無階援徒喪

其捷巧颺族謝其輕工及其長霄冒巔今按戴層作嶺

霞冠峯方乃就辨優劣耳故有大小鵜鵠之名矣

谿水東南流歷亭下謂之黃亭谿水又東南入于洛

水洛水又東得荀公谿口水出南山荀公澗

卽龐季明所入荀公谷者也

其水歷谷東北流注于洛水洛水又東逕檀山南

其山四絕孤峙山上有塢聚俗謂之檀山塢義熙

中劉公西入長安舟師所屆次于洛陽命參軍戴

延之與府舍人虞道元卽舟溯流窮覽洛川欲知

水軍可至之處延之屆此而返竟不達其源也

洛水又東庫谷水注之

今按此九字改經為注戴趙同

水自宜陽山

南三川並發合為一谿東北流注于洛洛水又東得

鵝鵠水口水北發鵝鵠澗東南流入于洛洛水又逕

僕谷亭北左合北水水出北山東南流注于洛洛水

又東侯谷水出南山北流于洛洛水又東逕龍驤城

北

龍驤將軍王鎮惡從劉公西入長安陸徑

今按戴作行

所由故城得其名

洛水又東左合宜陽北山水水自北谿南流注洛洛

水又東廣由澗水注之水出南山由谿北流逕龍驤

城東而北流入于洛洛水又東右得直谷水水出南

山北逕屯城西北流注于洛水也

又東北過蠡城邑之南

城西有塢水出北四里山上原高二十五丈

故黽池縣治南對金門塢水南五里舊宜陽縣治

也

洛水右會金門谿水水南出金門山北逕金門塢西

北流入於洛洛水又東合款水其水

今按此二字二趙作小有

源並發兩川逕引謂之大款水也合而東南入於洛

洛水又東黍良谷水入焉水南出金門山

開山圖曰山多重固在韓建武二年强弩偏趙一清曰

據後漢書陳俊傳是疆弩大將軍注云偏將軍誤也。今按戴依此改大將軍陳俊轉

擊金門白馬皆破之即此也

而東北流注于洛洛水又東左合北溪南流入于洛也

又東過陽市邑南又東北過于父邑之南

太陰谷水南出太陰谿北流注于洛洛水又東合白

馬谿水水出宜陽山澗

有大石厥狀似馬故谿澗以物色受名也

谿水又今按戴無此字東北流注于洛洛水又東有昌澗水

注之水出西北宜陽山而東南流逕宜陽故郡南

舊陽市邑也故洛陽都典農治此後改爲郡

其水又東注于洛洛水又東逕一合塢南

城在川北原上高二丈南北東三箱天嶮峭絕

唯築西面即爲合固今按戴無此字一合之名起于是矣

劉曜之將攻河南也晉將軍魏該奔于此一合通鑑作一

泉通釋故于父邑也

洛水又東合杜陽澗水水出西北杜陽谿東南逕一

合塢東與盤谷水合亂流東南入洛洛水又東渠谷

水出宜陽縣南女几山女几是女仙之名見寰宇記。今按此十五字改經爲注

全核乃經注 卷九  
戴趙 東北流逕雲中塢

同 左上迢遶層峻流煙半垂纓帶山阜故塢受其名

渠谷 今按趙無此二字 水又東北入洛水

臧榮緒晉書稱孫登嘗經宜陽山作炭人見之與語登不應作炭者覺其情神非常咸共傳說太祖聞之使阮籍往觀與語亦不應籍因大嘯登笑曰復作向聲又爲嘯求與俱出登不肯籍因別去登上峯行且嘯如簫韶笙簧之音聲振山谷籍怪而問作炭人作炭人曰故是向人聲籍更求之不知所止推問久之乃知姓名余按孫綽之敘高士傳

言在蘇門山又別作登傳孫盛魏春秋亦言在蘇門山又不列姓名阮嗣宗感之著大人先生論言吾不知其人既神遊自得與物交阮氏尙不能動其英操復不識何人而能得其姓名

又東北過宜陽縣南

洛水之北有熊耳山雙巒競舉狀同熊耳此自別山不與禹貢導洛自熊耳同也

太平寰宇記尙書熊耳孔傳在宜陽之西

昔漢光武破赤眉樊崇積甲仗與熊耳平卽是山也

山際有池池水東南流水側有一池世謂之鼃 今按戴作



澗池矣又東南逕宜陽縣故城西謂之西度水又東

南流入于洛洛水又東逕宜陽縣故城南今按此十字改經

爲注戴趙同

秦武王以甘茂爲左丞相曰寡人欲通三川窺周

室死不朽矣茂請約魏以攻韓斬首六萬遂拔宜

陽城故韓地也後乃縣之漢哀帝封息夫躬爲侯

國沈炳巽曰本傳及表乃封宜陵屬杜衍善長誤以爲宜陽○梓材按趙本引全氏校語畧同中

有云杜衍南陽之屬邑也城之西門赤眉樊崇與盆子及大將

等奉璽綬劍璧處世祖不卽見明日陳兵于洛水

見盆子等謂盆子丞相徐宣曰不悔乎宣曰不悔

上歎曰卿庸中皦皦鐵中錚錚也

洛水又東與厭染之水合水出縣北傅山大陂

山無草木

其水自陂北流屈而東南注世謂之五延水又東南

流逕宜陽縣故城東東南流注于洛洛水又東南黃

中澗水出北阜二源奇發總成一川東流注於洛洛

水又東祿泉水注之其水北出近谿洛水又東其水

入焉水北出長石之山

山無草木

其西有谷焉厥名共谷其水出焉南流得尹谿口水

水出西北尹谷東南注之其今按戴作共水右今按戴作又與

西南今按戴本與字在西南下左澗水會水東出近川西流注于

其水其水又南與李谷水合水出西北李谿東南注

蔡水蔡水發源蔡谷西南流與李谷水合而西南流

入其水其水世謂之石頭泉而南流注于洛洛水又

東黑澗水南出陸渾西山厯于黑澗西北入洛洛水

又東臨亭川水注之水出西北近谿東南與舊本有湖字衍

文長澗水會水出北山南入臨亭水又東南厯九曲

西而南入洛水也

又東北出散關南

洛水東逕九曲南

其地十里有坂九曲穆天子傳所謂天子西征升

于九阿此是也

洛水又東與豪水會水出新安縣密山南流厯九曲

東而南流入于洛吳任臣山海經注斷神水又東北逕神迹亭東又北謂之豪水云出水經未詳

洛水之側有石墨山山石盡黑可以書疏故以石

墨名山矣

洛水又東枝瀆左出焉

今按此九字改經為注戴趙同東出關絕惠

水又逕清女冢南

冢在北山上耆舊傳云斯女清貞秀古跡表來今矣

枝瀆又東逕周山

上有周靈王冢皇覽曰周靈王葬于河南城西南周山上蓋以王生而神故謚曰靈其冢人祠之不絕

又東北逕柏亭南

皇覽曰周山在柏亭西北謂斯亭也

又東北逕三王陵穀水東北出焉趙氏朱箋刊誤云東北出焉上全氏

校增穀水二字○今按戴本無穀水焉三字

三王或言周景王悼王定王也魏司徒公崔浩注西征賦云定當為敬子朝作難西周政弱人荒悼敬二王與景王俱葬于此故世以三王名陵帝王世紀曰景王葬于翟泉今洛陽太倉中冢是也而復傳言在此所未詳矣又悼敬二王稽諸史傳復無葬處今陵東有石碑錄赧王以上世王名號考之碑記周墓明矣

枝瀆東北歷制鄉逕河南縣王城西歷邾鄆陌

杜預釋地曰縣西有邾鄆陌謂此也

枝瀆又北入穀

蓋經始周啟瀆久廢不修矣

洛水自枝瀆又東出關惠水右注之世謂之八關水  
戴延之西征記謂之八關澤即經所謂散關鄣自  
南山橫洛水北屬于河皆關塞也即楊僕家僮所  
築矣

惠水出白石山之陽東南流與瞻水合水東出婁涿  
之山而南流入惠水惠水又東南謝水北出瞻諸之  
山東南流又有交觸之水山海經北出廐山南流俱  
合惠水惠水又南流逕關北城今按戴二十里者也  
其城西阻塞垣東枕惠水靈帝中平元年以河南

尹何進為大將軍率五營士屯都亭置函谷廣城  
伊闕大谷轅轅旋門小平津孟津等八關都尉官  
東治此函谷為之首在八關之限故世人忽今按戴  
其統目有八關之名矣

其水又南流入于洛水山海經曰白石之山惠水出  
其陽而南流注于洛謂是水也洛水又與虢水會水  
出林楮之山山海經作扶豬北流注于洛水其今  
戴作南則鹿蹄之山也世謂之非山其山陰則峻極  
百仞陽則原阜隆平甘水發于東麓北流注于洛水  
也

又東北過河南縣南

周書稱周公將致政乃作大邑成周于中土南繫於洛水北因于邠山以為天下之大湊孝經援神契曰八方之廣周洛為中謂之洛邑竹書紀年晉定公二十年洛絕于周魏襄王九年洛入成周山水大出南有甘洛城郡國志所謂甘城也

地記曰洛水東北過五零陪尾北與澗澗合是二水東入千金渠故瀆存焉

又東過洛陽縣南伊水從西來注之

洛陽周公所營洛邑也故洛誥曰我卜澗水東亦

惟洛食其城方七百二十丈南繫于洛水北因于

邠山以為天下之湊方六百因西方今按戴八百無此字

里為千里春秋昭公三十二年晉合諸侯大夫成

成周之城故亦曰成周也司馬遷自序云太史公

留滯周南摯仲治曰古之周南今之洛陽漢高祖

始欲都之感婁敬之言不日而駕行矣屬光武中

興宸居洛邑逮于魏晉咸兩宅焉故魏畧曰漢火

行忌水故去其水而加佳魏為土德土水之牡也

水得土而流土得水而柔除佳加水長沙耆舊傳

云祝良字石卿石黃本作召。今按戴趙並作召為洛陽令歲時

亢旱天子祈雨不得良乃曝身階庭告誠引罪自

晨至午

今按戴作中

紫雲沓

今按戴作水

起甘雨登降人為

歌曰天久不雨烝人失所天王自出祝令特苦精

符感應滂沱下雨

下有脫文。梓材按趙本引全氏校語如此七校本下添城內

二字此所云云其前校語也

城內則縣司及河南尹治司隸周

官也

劉昭曰周無司隸

漢武帝使領徒隸董督京畿後世

今按戴無此字

因名司州焉

今本脫後世二字沈炳巽本增。今按趙亦依增

地記曰洛水東入于中提山間東流會于伊是也

昔黃帝之時天大霧三日帝遊洛水之上見大魚

殺五牲以醮之天乃甚雨七日七夜魚流始得圖

書今河圖視萌篇是也昔王子晉好吹鳳笙招延

道士與浮邱同遊伊洛之浦舍始又受玉雞之瑞

于此水亦洛神宓妃之所在也

洛水又東合水南出半石之山北逕合水塢而東北

流注于公路澗

但世俗音譌號之曰光祿澗非也上有袁術固四

周絕澗迢遞百仞廣四五里有一水淵而不流故

谿澗即其名也

合水北與劉水合水出半石東山西北流注于

今按此二

字戴作一逕字劉聚

三面臨澗在緱氏西南周畿內劉子國故謂之劉澗

其水西北流注于合水合水又北流注于洛水也

又東過偃師縣南

洛水東逕計素渚

中朝時百國貢計所頓故渚得其名

又東逕今按此二字戴作一直字偃師故縣南與緱氏分水又東

休水自南注之其水導源少室山西流逕穴山南而

北與少室山水合水出少室北谿西南流注休水又

左會南谿水發大穴南山北流入休水休水又西南

北屈潛流地下其故瀆北屈出峽謂之大穴口北歷覆釜堆東

蓋以物象受命矣

又東屈零星塢水流潛通重源又發緱氏原側今按戴無

此字

開山圖謂之緱氏山也亦云仙者昇焉言王子晉

控鶴今按戴趙俱作鶴斯阜靈王望而不得近舉手謝而

去其家得遺屣俗亦謂之爲撫父堆堆上有子晉

祠或言在九山非此世代已遠矣今按戴無此字莫能辨

之劉向列仙傳云世有簫管之聲焉

休水又逕延壽城南

緱氏縣治故滑費春秋滑國所都也王莽更名中亭即緱氏城也城有仙人祠謂之仙人觀

休水又西轉北屈逕其城西

水之西南有司空密陵光侯鄭袤廟碑沈炳異曰光當作元

趙並改元文缺不可復識又有晉城門校尉昌原

恭侯鄭仲林碑晉皇始六年立沈炳異曰晉無皇始之年。今按趙

有辨正語戴依之改泰始

休水又北流注于洛水洛水又東逕百谷塢北

戴延之西征記曰塢在川南因高為塢高一今案戴無

此十餘丈劉武王西入長安舟師所堡也

洛水又北陽渠水注之今按此九字改經為注戴趙同

竹書紀年晉襄公六年洛絕于河今按戴作洧即此處也

洛水又北逕偃師城東東北歷鄆中

水南謂之南鄆亦曰上鄆也

逕訾城西

司馬彪所謂訾聚也

而鄆水注之水出北山鄆谿其水南流世謂之溫泉

水



水側有僵人穴穴中有僵尸戴延之從劉武王西

征記曰有此尸尸今猶在夫物無不化之理魂按今

戴作魄無不遷之道而此尸無神識事同木偶之狀

喻其推移未若正形之速遷矣

鄠水又東南于訾城西北東入洛水

故京相璠曰今鞏洛渡北有鄠谷水東入洛謂之

下鄠故有上鄠下鄠之名亦謂之北鄠于是有南

鄠北鄠之稱矣又有鄠城蓋周大夫鄠臯之舊邑

洛水又東逕訾城北有東羅水注之水出方山羅川

西北流蒲池水注之水南出蒲陂西北流合羅水謂

之長羅川亦曰羅中也

蓋臯子鄠羅之宿居故川得其名耳

羅水又西北白馬谿水注之水出嵩山北麓逕白馬

塢東而北入羅水西北流白桐澗水注之水出嵩麓

桐溪北流逕九山東又北九山谿水入焉水出百稱

山東谷

其山孤峯秀出巉嶢分立仲長統曰昔密有卜成

者身遊九山之上放心不拘之境謂是山也山際

有九山廟廟前有碑云九山今按戴顯靈府君者

太華之元子陽九列名號曰九山府君也南據嵩

嶽北帶洛澁晉元康二年九月太歲庚午謝兆申曰一作

太歲在戊皇帝云云朱謀埠曰世譜晉元康二年太歲在壬子是年九月乙亥朔無庚午趙一清曰太平寰宇記引此作永康二年亦非永康紀元只一年○今按庚午二字戴作在戊帝遣殿

中中郎將關內侯樊廣維氏合王與主簿傅演奉

宣詔命興立廟殿焉又有百蟲將軍顯靈碑碑云

將軍姓伊氏諱益字墮敬帝高陽之第二子伯益

者也晉元康五年七月七日順人順字疑吳義等建

立堂廟永平元年二月二十日刻石立頌贊示後

賢矣沈炳異曰惠帝紀年先永平後元康如何後建廟先立石若元魏永平相去又遠○梓材

按趙本引沈氏校語同此下又云後有永康永寧永興三元皆以永紀莫能定也

其水東北流入白桐澗又北逕袁公塢東

蓋公路始固由此也故有袁公之名矣

北流注于羅水羅水又西北逕袁公塢北又西北逕

潘岳父子墓前

有碑岳父此瑯琊太守碑石破落文字缺敗岳碑

題云給事黃門侍郎潘君之碑碑云君遇孫秀之

難闔門受禍故門生感覆醢以增慟乃樹碑以記

事太常潘尼之辭也

羅水又于訾城東北入于洛水也

又東北過鞏縣東又北入于河

洛水又東明樂泉水注之水出南原下五今按戴作三刊誤也

泉並導故世謂之五道泉即古明谿泉也

春秋昭公二十二年師次于明谿者也趙一清曰太平寰宇

記作明洛洛即谿之似又通而為樂○梓材按今趙本無之

洛水又東逕鞏縣故城南

東周所居也本周之畿內鞏伯國也春秋左傳所

謂尹文公今按戴作父涉于鞏即於此也

洛水又東濁水注之即古湟今按戴作黃水也水出南原

京相璠曰訾城北三里有黃亭即此亭也春秋所

謂次于黃者也

洛水又東北河水發南谿石泉世亦名之為石泉水也

京相璠曰鞏東地名坎欲在河水東疑即此水也

施廷樞曰務光投河水即此處

又逕盤谷塢東世又名之曰盤谷水

司馬彪郡國志鞏有坎欲聚春秋僖公二十四年

王出及坎欲服虔亦以為鞏東邑名也今考厥文

若狀焉而不能精辨耳晉太康地記晉書地道記

並言在鞏西非也

其水又北入洛洛水又東北流入于河今按此九字改經為注戴

趙山海經曰洛水成臯西入河是也謂之洛汭卽什谷也故張儀說秦曰下兵三川塞什谷之口謂此川也史記音義曰鞏縣有鄆谷水者也

黃帝東巡河過洛修壇沈璧受龍圖於河龜書于

洛赤文綠字堯帝又修壇河洛擇良議今按戴沈

榮光出河休氣四塞白雲起迴風逝赤文綠色廣

袤九尺負理平上有列星之分七政之席帝王錄

記興亡之數以授之堯又東沈書於日稷赤光起

玄龜負書背甲赤文成字遂禪于舜舜又習堯禮

沈書於日稷赤光起玄龜負書至于稷下榮光休

至黃龍卷甲舒圖壇畔赤文綠錯以授舜舜以禪

禹殷湯東觀于洛習禮堯壇降璧三沈榮光不起

黃魚雙躍出濟於壇黑鳥以浴隨魚亦上化爲黑

玉赤勒之書黑龜赤文之題也湯以伐桀故春秋

說題辭曰河以道坤出天苞洛以流川吐地符按

卽古乾字。趙本引全氏曰元文是河以通乾出

天苞洛以流坤吐地符。古坤字與上文複則知

道坤二字是妄人所填寫王者沈禮焉竹書紀年曰洛伯用與

河伯馮夷鬪蓋洛水之神也昔夏太康失政爲羿

所逐其昆弟五人須於洛汭作五子之歌于是地

矣

伊水

伊水出南陽魯陽縣西蔓渠山

舊本作伊水出南陽縣西按南陽郡名非縣也

元和郡縣志引此文作南陽魯縣西趙一清本從之不  
知自秦以來無魯縣魯縣之名但見於左氏耳予參考  
之乃南陽之魯陽也。今按戴本及一清子載元所刻  
俱依全校增魯陽矣查趙書原鈔本固依元和志作南  
陽魯縣也

山海經曰蔓渠之山伊水出焉淮南子曰伊水出上

魏山地理志曰出熊耳山即麓大同陵巒互別耳伊

水自熊耳東北逕鸞川亭北蕞水出蕞山北流際其

城東而北入伊水世人謂伊水為鸞水蕞水為交水

故名斯川為鸞川也又東為淵潭潭渾若沸亦不測

其深淺也伊水又東北逕東亭城南又屈逕其亭東

東北流者也

東北過郭落山

陽水出陽山陽谿世人謂之太陽谷水亦取名焉東

流入伊水伊水又東北鮮水入焉水出西山北流注

于伊伊水又與蠻水合水出盧氏縣之蠻谷東流入

于伊

又東北過陸渾縣南

山海經曰瀟瀟之水出于釐山南流注于伊水今水

出陸渾縣之西南王母澗

澗北山上有王母祠故世因以名谿

東流注于伊水卽瀟瀟之水也伊水厯崖口

山峽也翼崖深高壁立若闕崖上有塢伊水逕其

下厯峽北流卽古三塗山也杜預釋地曰山在縣

南闕駟十三州志云山在東南今是山在陸渾故

城東南八十許里今按此下戴有周書武王問太

於三塗北瞻望於有河二十七字王氏春秋昭公

重錄本據以補全殊失全本之舊非是四年司馬侯曰四嶽三塗陽城太室荆山中南九

州之險也服虔曰三塗大行轅轅峭今按戴非

南望也京相璠著春秋土地名亦云山名也以服

氏之言云今按此二字塗道也準周書南望之文

或言宜爲轅轅大谷伊闕皆爲非也春秋晉伐陸

渾請有事於三塗知是山明矣

有七谷水注之水西出女机今按戴作山之南七谿

山几下同

上有西王母祠

東南流注于伊水又北蚤谷水注之水出女机山之

東谷東逕故亭南東流入于伊水伊水又東北逕伏

流嶺東

嶺上有崑崙祠民猶祈焉劉澄之永初記稱陸渾

縣西有伏流坂者也今山在縣南崖口北三十里許西則非也

北與溫泉水合水出新城縣之狼臯今按戴作臯山西南

阜下西南流會于伊水伊水又東北逕伏睹嶺左納

焦澗水水西出鹿髀山東流逕孤山南

其山介立豐上單秀孤峙故世謂之方山即劉中書澄之所謂縣有孤山者也

東歷伏睹嶺南東流注于伊伊水又東北涓水注之水出陸渾西山

即陸渾都也梓材按趙氏朱箋刊誤云舊作即陸渾山者也全氏校山字衍文者當作

都尋郭文之故居訪胡昭之遺像世去不停莫識所在

其水有二源俱導而東注虢略

在陸渾縣西九十里也司馬彪郡國志曰縣西虢略地春秋所謂東盡虢略者也

北水東流合侯澗水水出西北侯谿東南流注于涓水涓水又東逕陸渾縣故城北

平王東遷辛有適伊川見有被髮而祭于野者曰不及百年此其戎乎魯僖公二十二年秦晉遷陸渾之戎于伊川故縣氏之也

涓水東南流左合南水水出西山七谷亦謂之七谷  
水阻澗東逝歷其縣南又東南左會北水亂流左合  
禪渚水水上承陸渾縣東禪渚

渚在原上陂方十里佳饒魚葦即山海經所謂南  
望禪渚禹父之所化郭景純注云禪一音暖鯨化  
羽淵而復在此然已變怪亦無往而不化矣

世謂此澤為慎望陂陂水南流注于涓今按趙有水陽字下同  
涓水又東南注于伊水

昔有莘氏女採桑于伊川得嬰兒于空桑中言其  
母孕于伊水之濱夢神告之曰白水出而東走母

明視而見白水出焉告其鄰居而走顧望其邑咸  
為水矣其母化為空桑子在其中矣莘女取而獻  
之命養于庖長而有賢德殷以為尹曰伊尹也

又東北過新城縣南

馬懷橋

三字疑

長水出新城西山東逕晉使持節征南

將軍宋

今按戴宗

均碑南

均字文平縣人也其碑太始三年十二月立

鼻

其水又東流入于伊又有明水出梁縣西狼羆

今按戴作

山俗謂之石澗水也西北流逕楊亮壘南西北合  
康水水亦出狼羆山東北流逕范塢北與明水合北



注今按戴無此二字有又字西南流入于伊山海經曰放臯之山

明水出焉南流注于伊水是也伊水又與大戟水會

水出梁縣西水今按戴無此字有二源北水出廣成澤西南

逕楊志塢北與南水合南水源南出廣成澤西流逕

陸渾縣南河南十二縣境簿曰廣成澤在新城縣界

黃阜西北流屈而東逕楊志塢南又北屈逕其塢東

又逕塢北同注老倒澗俗謂之老倒澗水西流入于

伊伊水又北逕新城東與吳澗水會水出縣之西山

東流南屈逕其縣故城西又東轉逕其縣南

故蠻子國也縣有鄆聚今名蠻中是也漢惠帝四

年置縣

其水又東北流注于伊水伊水又西北逕當階城西

大狂水入焉水東出陽城縣之大誓口今按戴作山山海

經曰大誓之山多璵璠之玉其陽狂水出焉西南流

注于伊水今按戴無此四字其中多三足龜人食之者無大

疾可以已腫狂水又西逕綸氏縣故城南

竹書紀年曰楚吾得帥師及秦伐鄭圍綸氏者也

左與倚薄山水合水北出倚薄之山南逕黃城西又

南逕綸氏縣故城東而南流注于狂水狂水又東入

風谿水注之水北出八風山南流逕綸氏縣故城西

南流入于狂水狂水又西得三交水口水有三源各

導一谿並出山南流合舍故世有三交之名也按太平寰

宇記引注三交水石上莒蒲一寸九節為藥最妙服

久化仙校勘云水經三交水不見石莒蒲事記引水

經而今水經無其文者非一恐是脫遺○今按戴本

依全氏校語補此十六字趙本亦引之於注中與全

語畧其水西南流注于狂水狂水又西逕岳高山北

西南與湮水合水出東北湮谷西南流逕武林亭東

北又屈逕其亭南其水又西南逕湮陽亭東

蓋藉水以名亭也

又東南流入于狂狂水又西逕湮陽城南又西逕當

階城南而西流注於伊伊水又北土溝水出立望山

西東逕立望山南又東逕新城縣故城北東流注于

伊水伊水又北板橋水入焉水出西山東流入于伊

水伊水又北會厭澗水水出西山東流逕邠垂亭南

春秋左傳文公十七年秋周甘歆敗戎于邠垂者

也服虔曰邠垂在高都南杜預釋地曰河南新城

縣北有邠垂亭司馬彪郡國志曰新城有高都城

今亭在城南七里遺基猶在今按此二字京相璠

曰舊說言邠垂在高都南今上黨有高都縣余謂

京論疎遠未足以證無如虔說之旨今按戴密矣

其水又東注于伊水伊水又北逕高都城東

徐廣史記音義曰今河南新城縣有高都城竹書紀年梁惠成王十七年東周與鄭高都利者也

又來需今按戴儒作儒之水出于半石之山西南流逕斌輪

城北西厯芟今按戴作艾澗水今按戴無此字以其今按戴有水字西流

又謂之小狂水也其水又西南逕大石嶺南

開山圖所謂大石山也山下有大石嶺碑河南隱士通明以漢靈帝中平六年八月戊辰于山堂立碑文字淺鄙殆不可尋魏文帝獵於此山虎超乘輿孫禮拔劍投虎于是山山在洛陽南而劉澄之言在洛東北非也山阿有魏明帝高平陵王隱晉

書曰惠帝使校尉陳總仲元詣洛陽山請雨總盡

除小祀唯存大石而祈之七日大雨卽是山也

來需之水又西南逕赤眉城南又西至高都城東西

入伊水謂之曲水也

又東北過伊闕中

伊水逕前亭西

左傳昭公三今按戴趙作二十二年晉箕遺樂徵右行詭

濟師取前城者也京相璠曰今洛陽西南五十里

伊闕外前亭矣服虔曰前讀爲泉周地也

伊水又北入伊闕昔大禹疏以通水兩山相對望之

若闕伊水歷其間北流故謂之伊闕矣春秋之闕塞

焉今按戴作也

昭公二十六年趙鞅使女寬守闕塞是也陸機云

洛有四闕斯其一焉東巖西嶺並鐫石開軒高甍

架峯西側靈巖下泉流東注入于伊水傅毅反都

賦曰因龍門以暢化開伊闕以達聰也闕左壁有

石銘云黃初四年六月二十四日辛巳大出水舉

高四丈五尺齊此已下蓋記水之漲減也右壁又

有石銘云永今按戴作元康五年趙一清曰永康止一年河南府

君循大禹之軌部督郵辛曜新城令王琨部監作

掾董猗李褒斬岸開石平通伊闕石文尙存也

又東北至洛陽縣南北入于洛

伊水自闕東北流支津右出焉東北引漑東會合水

同注公路澗水入于洛今無水

戰國策曰東周欲爲田西周不下水蘇子見西周

君曰今不下水所以富東周也民皆種他種欲貧

之不如下水以病之東周必復種稻種稻而復奪

之是東周受命于君矣西周遂下水卽是水之故

渠也

伊水又東北枝渠左出焉水積成湖北流注于洛今

無水伊水又東北至洛陽縣南逕園北東

大魏郊天之所準漢故事建之後漢書郊祀志曰  
建武二年初制郊兆于洛陽城南七里為園壇入  
陛中又為重壇天地位其上皆南向其外壇上為  
五帝位其外為壇重營皆紫以像紫宮按禮天子  
大裘而冕祭昊天上帝于此今衮冕也壇壇無復  
紫矣

伊水又東北流注于洛水

廣志曰鯢魚聲如小兒嘍有四足形如鯪鱧可以  
治牛出伊水也司馬遷謂之人魚故其著史記曰  
始皇帝之葬也以人魚膏為燭徐廣曰人魚似鮎  
而四足即鯢魚也

灋水

灋水出河南穀城縣北山

縣北有替

今按戴作潛

亭灋水出其北梓澤中

梓澤地名也澤北對原阜即裴氏墓塋所在碑闕  
存焉

其水歷澤東南流

水西有一原其上平做古替亭之處也即潘安仁  
西征賦所謂越街郵者也

東與千金渠合

周書曰我卜灋水西謂是水也東南流

水西南有帛仲理墓墓前有碑題云真人帛君之

表仲理名護益州巴郡人晉永寧二年十一月立

灋水又東南流注于穀穀水自千金場東注謂之千

金渠也

又東過洛陽縣南又東過偃師縣又東入于洛

澗水

澗水出新安縣南白石山

山海經曰白石之山惠水出于其陽東南注于洛澗

水出於其陰北流注于穀世謂是山曰廣陽山水曰

赤岸水亦曰石子澗地理志曰澗水出今按戴新安

縣東南東今按戴無此字入洛是為密矣東北流歷函谷東

坂東

謂之八特坂摯仲治三輔決錄注云馬氏兄弟五

人共居澗穀二水之交作五門客因舍以為名今

在河南西四十里以山海經推校里數不殊仲治

所記水會尚有故居處斯則澗水也即周書所謂

我卜澗水東者是也今按自摯仲治三輔決錄注云至此句戴本移置穀水篇

注

東南入于洛

孔安國曰澗水出澗池山今新安縣西北有一水北出澗池界東南流逕新安縣而東南流入于穀水安國所言當斯水也然穀水出澗池下合澗水得其通稱或亦指之為澗水也並未之詳耳今孝水東十里有水世謂之慈澗又謂之澗水按山海經則少水也而非澗水蓋習俗之誤耳又按河南有離山水謂之為澗水水西北出離山東南流注于澗水也又東南流今按戴無此九字歷郊山于穀城東而南流注于穀舊與穀水亂流同穀水亂流同今按戴無此字南入于洛梓材按朱謀埠本作

南入於洛趙氏刊誤引全氏曰流字重文衍今穀水東入于金渠澗水與之俱東入洛矣或以是水並為周公之所相卜也呂忱曰今河南死水疑其即今按戴無此字是此水也然意所未詳故並書存之耳

水經注第九終

後學王梓材錄董沛重校

水經注第十

范陽酈道元註

鄭全祖望校

布政使銜浙江甯紹台兵備道無錫薛福成校刊

穀水是篇所序陽渠水原流分合疑有錯簡無可考正

穀水出弘農黽池縣南墦冢林穀陽縣

山海經曰傅山之西有林焉曰墦冢穀水出焉東流

注于洛其中多珉玉珉本經作珉。今按戴趙均作珉。今穀水出于

今按戴嶠東馬頭山穀陽谷東北流歷黽池川

本中鄉地也漢景帝三年沈炳巽曰是中二年。今按戴依此徑改中二

年初城徙萬戶為縣因嶠黽之池以目縣焉

亦或謂之彭池故徐廣史記音義曰黽或作彭穀水



所逕今按此二字戴趙均作一出字處也穀水又東逕秦趙二城南

世謂之俱利城今按戴趙本此句之上有司馬彪續漢書曰赤眉從電池自利陽南

欲赴宜陽者也十二字全氏移下者彥曰昔秦趙之會各據一城

秦王使趙王鼓瑟藺相如令秦王擊缶處也馮異

又破赤眉于是川矣司馬彪續漢書曰赤眉從電

池自利陽南欲赴宜陽者也故光武璽書曰始雖

垂翅回溪終能奮翼電池可謂失之東隅今按戴作隅

收之桑榆矣按此文舊有錯簡今改正

穀水又東逕土嶠北胡渭曰河水篇所云嶠水是二嶠也又云干嶠之水是三嶠也按二嶠曰

所謂三嶠也

嶠嶠曰石嶠三嶠曰土嶠

穀水又東左會北溪溪水北出電池山東南一作流

注于穀疑卽孔安國所謂澗水也穀水又東逕新安

縣故城南北夾流而西接嶠電

昔項羽西入秦坑降卒二十萬于此國滅身亡宜

矣

穀水又東逕千秋亭南

其亭累石爲垣世謂之千秋今按趙無此二字城也潘岳

西征賦曰亭有千秋之號子無七旬之期謂是亭

也杜佑曰潘岳于此喪子

又東逕雍谷谿

回岫縈紆石路阻峽故亦有峽石之稱矣

嶠今按戴作穀水厯側左與北川水合水有二源並導北

山東南流合成一水自乾注巽入于穀穀水又東逕

缺門山

山阜之不接者里餘故得是名矣二壁爭高斗聳

相亂西瞻雙阜右望如砥

穀水自今按趙有缺字門而東廣陽川水注之水出廣陽北

山東南流注于穀

南望微山雲峯相亂

穀水又逕白超壘南

戴延之西征記云次至白超壘趙一清曰白超壘見元和志是後漢

人今本妄改爲白起。楚材按今趙本無是語。去函谷十五里築壘當大

道左右有山夾之今按此二字趙作相去百餘步

從中出北乃故關城非所謂白超壘也是壘在缺

門東一今按戴無此字十五里壘側舊有塢故治官所在

魏晉之日引穀水爲水治以經國用遺跡尙存今按

趙作有

穀水又東石默溪水出微山東麓石默溪東北流入

于穀穀水又東宋水北流注于穀穀水又東逕魏將

作大匠母邱興盛墓南盛字衍。今按戴依芟下同。

二碑存焉儉父也管輅別傳曰輅嘗隨軍西征過其墓而歎謂士友曰玄武藏頭青龍無足白虎銜尸朱雀悲哭四危已備法應滅族果如其言

穀水又東逕函谷關南東北流阜澗水注之水出新安縣東南流逕毋邱興盛墓東又南逕函谷關西

關高嶮峽今按戴作險陜路出塵郭漢元鼎三年樓船將

軍楊僕數有大功恥居關外請以家僮七百人築塞徙關于新安卽此處也昔郭丹西入關感慨于其下曰不乘駟馬高車終不出此關也去家十二

年果如志焉

阜澗水又東流入于穀穀水又東北逕函谷關城東右合爽水今按此二字趙作桑爽之水四字山海經曰白石山西五

十里曰穀山其上多穀其下多桑爽水出焉世謂之紵麻澗北流注于穀其中多碧綠穀水又東澗水注

之山海經曰婁涿山西四十里曰白石之山澗水出焉北流注于穀今按戴本移澗水注內摯仲治三輔

是也七十九字于此句之下自下通謂澗水爲穀水之兼稱焉故尚書曰伊洛瀍澗既入于河而無穀水之目是名亦

通稱矣劉澄之云新安有澗水源出縣北又有澗水

未知其源余考諸地記並無淵水但淵澗字相似時  
 有字錯為淵也故闕駟地理志曰禹貢之淵水是以  
 知傳寫書誤字謬舛真澄之不思所致耳既無斯水  
 何源之可求乎穀水又東波水注之山海經曰瞻諸  
 山西三十里婁涿之山無草木多金玉波水出于其  
 陰按山經作陂子謂水自洛出為波當即是此水今善長于洛水篇以門水當之恐非考王氏應麟已  
 先予世謂之百答水北流注于穀其中多砒石文石  
 言之穀水又東少水注之山海經曰廆山西三十里曰瞻  
 諸之山其陽多金其陰多文石少水出于其陰控引  
 衆溪積以成川東流注于穀世謂之慈澗也穀水又

東俞隨之水注之山海經曰平蓬山西十里廆山其  
 陽多瑇瑁之玉俞隨之水出于其陰北流注于穀世  
 謂之孝水也

潘岳西征賦曰澡孝水以濯纓嘉美名之在茲按

選五臣注曰澡水經注作濟則今本誤也

是水在河南城西十餘里故呂忱曰孝水在河南而  
 戴延之言在函谷關西劉澄之又云出檀山檀山在  
 宜陽縣西在穀水南無南入之理考尋茲說當承緣  
 生述征謬誌耳緣生從戍行旅征途訊訪既非舊土  
 故無所究今川瀾北注澄映泥濘何得言枯涸也皆

爲疏僻矣

東北過穀城縣北

城西臨穀水故縣取名焉穀水又東逕穀城南不歷其北又東今按此下趙有逕河南王城西六字洛水流入焉今無水也

又東過河南縣北東南入于洛

河南王城西北穀水之右有石磧磧南出爲死穀北出爲湖溝魏太和七今按戴年暴水流高三丈此地

下停流以成湖渚造溝以通水東西十里決湖以注

澠水穀水又逕河南王城今按戴有西字北

所謂成周矣公羊曰成周者何東周也何休曰名

爲成周者周道始成王所都也地理志曰河南河

南縣故邾鄆地也京相璠曰邾山名鄆地名也卜

年定鼎爲王之東都謂之新邑是爲王城其城東

南名曰鼎門蓋九鼎所從入也故謂是地爲鼎中

楚子伐陸渾之戎問鼎于此述征記曰穀洛二水

本于王城東北合流所謂穀洛鬪也今城之東南

缺千步世又謂之穀洛鬪處俱爲非也余按史傳

周靈王之時穀洛二水鬪毀王宮王將竭之太子

晉諫王不聽遺堰三堤尙存左傳襄公二十五年

齊人城邾穆叔如周賀韋昭曰洛水在王城南穀

水在王城北東入于瀍至靈王時穀水盛出于王

城西而南流合于洛兩水相格有似于鬪而毀王

城西南也穎容之今按戴無此字著春秋條例言西城梁

門枯水處世謂之死穀是也始知緣生行中造次

入關經究故事與實違矣考王封周桓公于是為

西周及其孫惠公封少子于鞏為東周故有東西

之名矣秦滅周以為三川郡按秦滅周在滅韓之

川郡見秦本紀及滅周以其地入項羽封申陽為

三川耳非始置也善長此言未覈

河南王漢以為河南郡王莽又名之曰保忠信鄉

按莽改河南守為保忠信鄉耳尊其名曰卿則在京兆尹之上蓋是時莽將都洛也今作鄉字誤。

今按戴依全改卿趙亦以鄉字為誤光武都洛陽以為尹尹正也所

以董正京畿率先百郡也

穀水又東流逕乾祭門北

子朝之亂晉所開也按晉未嘗開門是善長誤讀左傳而妄言之

東至千金塢

河南十二縣境簿曰河南縣城東十五里有千金

塢洛陽記曰千金塢舊堰穀水魏時更修此堰謂

之千金塢積石為塢而開溝渠五所謂之五龍渠

渠上立塢塢之東首立一石人石人腹上刻勒云

太和五年二月八日庚戌造築此塢更開溝渠此

水衝渠止今按戴作上其水助其堅也必經年歷世是

故部立石人以記之云爾蓋魏文帝修王張故績

也顧炎武曰是明帝太和乃明帝年也。趙本引全氏曰太和是明帝年號亭林之言是也。今

按戴依此徑改塌是都水使者陳協所造也今按戴語林無此字

曰陳協數進阮步兵酒後晉文王欲修九龍堰阮

舉協文王用之掘地得古承水銅龍六枚堰遂成

按語林則陳協修堰非造堰也堰始于明帝所謂王即王梁張即張純亦非明帝造也而以爲陳協

誤矣明帝之時司馬宣王尙未枋國況文王乎水歷塌東注謂之千金渠

逮于晉世大水暴注溝瀆泄壞又廣功焉石人東

脇下文云太始七年六月二十三日大水迸瀑出

常流上三丈蕩壞二塌五龍泄水南注瀉下加歲

久漱齧每澇卽壞歷載消棄大功今按戴有今字故爲今

塌今按此二字戴作令過更于西開泄名曰代龍渠地形正

平誠得瀉今按戴作爲泄至理千金不與水勢激爭無

緣當壞由其卑下水得輪上漱齧故也今增高千

金于舊一丈四尺五龍自然必歷世無患若五龍

歲久復壞可轉于西更開二塌二渠合用二十三

萬五千六百九十八功以其年十月二十三日

起作功重人少到八年四月二十日畢代龍渠卽九

龍渠也按五龍渠與九龍渠不同五龍渠卽千金渠也若九龍渠作于魏明帝青龍三年是

時崇華殿災郡國九龍見明帝因更營九龍殿引穀水為九龍池而築渠以堰之善長以為即代龍渠誤後張方入洛破千金塲京師水碓皆涸今按戴無

此六永嘉初汝陰太守李矩汝南太守袁孚修之

以利漕運梓材按舊本作張方入洛破千金塲公私賴之趙氏朱箋刊誤引全氏云張方

破塲何以反云公私賴之據晉書李矩傳補京師水碓皆涸至汝南太守袁孚修之以利漕運二十

七字○今按戴趙並依全補惟戴無公私賴之水

京師水碓皆涸六字故云二十一積年渠塲頽毀石砌殆盡遺基見存朝廷太和中

顧炎武曰此拓修復故塲按千里塲石人西脇下

跋魏之太和也文云若溝渠久疏深引水者當于河南城北石磧

西更開渠北出使首狐邱故溝東下因故易就磧

堅便時事業已訖然後見之加邊方多事人力苦

少又築塲新成未患于水是以不敢預修通之若

于後當復興功者宜就西磧故書之于石以遺後

賢矣雖石磧淪敗故跡可憑準之于文

穀水北引渠趙氏朱箋刊誤云北引渠北上落穀水二字全氏校補○今按戴無穀水二字

東合舊瀆

舊瀆又東晉惠帝造石梁于水上按橋西門之南

頰文稱晉元康二年十一月二十日改治石巷水

門除豎枋更為函枋立作覆枋屋前後辟級續石

障使南北入岸築治漱處破石以為殺矣到三年



三月十五日畢訖并紀列門廣長深淺于左右巷

東西長七尺南北龍尾廣十二丈巷瀆口高三丈

謂之畢今按戴作畢下同門橋潘岳西征賦曰秣今按戴作秣

馬罕門即此處也

穀水又東又結石梁跨水制城西梁也穀水又東左

會金谷水水出太白原東南流歷金谷謂之金谷水

東南流逕晉衛尉卿石崇之故居也今按戴無此字

石季倫金谷詩集敘曰余以元康七年從太僕出

為征虜將軍有別廬在河南界金谷澗中有清泉

茂樹衆果竹栢藥草蔽翳按此下有脫簡無從考正與下文金墉城不相

接只合闕之以俟審正○今按蔽翳二字戴作備具又按此下戴有金谷水又東南流入于穀穀水

又東逕金墉城北魏明帝于洛陽城二十六字西為全趙所無王氏重錄本乃據戴以補全殊非

北角築之謂之金墉城魏文帝今按戴無起層樓此三字

于東北隅按太平寰宇記金墉城明帝所築則文帝起樓之語誤矣晉宮閣名

曰金墉有崇天堂即此地上架木為榭故白今按趙作樓矣皇居創徙宮極未就止蹕于此構宵榭于

故臺所謂臺以停停也有誤文南曰乾光門夾建兩

觀觀下列朱桁于塹以為御路東曰含春門北有

邁門城上四面列觀五十步一睥睨屋臺置一鐘

以和漏鼓西北連廡函蔭墉比今按趙作北廣榭炎夏

之日高祖常以避暑為涼今按戴水池一所在金

壩者也按高祖流俗本誤作高視朱謀璋改作高

歡何焯曰道元安得及神武時施廷樞曰

高歡避暑宮在晉陽。趙氏朱箋刊誤引何焯云

道元卒于孝昌二年不及神武時全氏曰當作高

祖即後魏孝文帝也。今按戴

本仍作高視而校語一如全說

穀水逕洛陽小城北

因阿舊城憑結金墉故向城也永嘉之亂結以為

壘號曰今按戴趙洛陽壘故洛陽記曰陵雲臺西

有金市金市北對洛陽壘者也

又東歷大夏門下

故夏門也太平寰宇記曰晉改為大夏陸機與弟

門。是洛陽北門之傍西者

書云門有三層高百尺魏明帝造門內東側際城

有魏文帝所起景陽山餘基尚存孫盛魏春秋曰

黃初元年文帝愈崇宮殿雕飾觀閣取白石英及

紫石英及五色大石于太行穀城之山起景陽山

于芳林園樹松竹草木捕禽獸以充其中于時今

趙作百役繁興帝躬自掘土率羣臣三公已下莫

不展力按此是明帝景初元年事注中明帝事多

誤移之文帝。趙本引全氏曰按孫盛之

記事疏矣此乃景初元年之事楊阜高堂隆交章

爭之者也。今按戴依此徑改文帝為明帝黃初

初山之東舊有九江陸機洛陽記曰九江直作

員水水中作員壇三破之夾水得相逕通東京賦

曰濯龍芳林九谷入溪芙蓉覆水秋蘭被崖今按戴趙

並作今也山則塊阜獨立江無復髮鬚矣

渠今按戴水又東枝分南入華林園歷疏圃南

圃中有古玉井井悉以珉玉為之以緇石為口緇石

北堂書鈔引工作精密猶不變古瓌焉如新

又逕瑤華宮南歷景陽山北

山在今按戴都亭堂上結方湖湖中起御坐石也

御坐前建蓬萊山曲池接筵飛沼拂席南面射侯

夾席武峙背山堂上則石路崎嶇巖嶂峻險雲臺

風觀纓帶阜遊觀者升降阿閣出入虹陛望之

狀鳧沒鸞舉矣其中引水飛畢今按戴傾瀾瀑布

或枉渚聲溜潺潺不斷竹柏蔭于層石繡薄叢于

泉側微颺暫拂則芳濫于六空實為神居矣

其水東注天淵池

池中有魏文帝九華臺殿基悉是洛中故碑累之

今造釣臺于其上池南直魏文帝茅茨堂前有茅

茨碑是黃初中所立也陳耀文曰茅茨明帝

其水自天淵池東出華林園逕聽訟觀南

故平望觀也魏明帝常言獄天下之命也每斷大

獄恆幸觀聽之以太和三年更從今名觀西北接

華林隸簿昔劉楨磨石處也文士傳曰文帝之在

東宮也宴諸文學酒酣命甄后出拜坐者咸伏唯

劉楨平仰觀今按戴無仰字觀作視之太祖以為不敬送徒

隸簿後太祖乘步牽車乘城降閱簿作諸徒咸敬

而楨今按戴作拒坐磨石不動太祖曰此非劉楨也

石如何性楨曰石出荆山玄巖之下外炳五色之

章內秉堅貞之志雕之不增文磨之不加瑩稟氣

貞正稟性自然太祖曰名豈虛哉復為文學

池水又東流入今按戴作于洛陽縣之南池

池即故翟泉也南北百一十步東西七十步皇甫

謚曰悼王葬景王于翟泉今洛陽太倉中大夫冢是

也春秋定公元年晉魏獻子合諸侯之大夫于翟

泉始盟城周班固服虔皇甫謚咸言翟泉在洛陽

東北周之墓地今按周威烈王葬洛陽城內東北

隅景王冢在洛陽太倉中翟泉在兩冢之間側廣

莫門道東建春門路北路即東宮街也于洛陽為

東北後秦封呂不韋為洛陽十萬戶侯大其城并

得景王冢矣是其墓地也及晉永嘉元年洛陽東

北步廣里地陷有二鷲出蒼色者飛翔冲天白色

者止焉陳留孝廉董養曰步廣周之翟泉盟會之

地今色蒼胡象矣其可盡言乎後五年劉曜王彌入洛帝居平陽陸機洛陽記曰步廣里在洛陽城內宮東是翟泉所在不得于太倉西南也京相璠與裴司空彥季修晉輿地圖作春秋土今按戴無此字地名亦言今太倉西南池水名翟泉又曰舊說言翟泉本自在洛陽北葺弘城成周乃繞之杜預因其一證謂必是翟泉而即實非也後遂為東宮池晉中州記曰惠帝為太子出聞蝦蟇聲問人為是官蝦蟇私蝦蟇侍臣賈胤對曰在官地為官蝦蟇在私地為私蝦蟇令曰若官蝦蟇可給廩先是有讖

云蝦蟇當貴昔晉朝收愍懷太子于後池即是池也

其一水自大夏門東逕宣武觀

憑城結構不更增墉左右夾列步廊參差翼趾南望天淵池北矚宣武場竹林七賢論曰王戎幼而清秀魏明帝于宣武場上為欄苞虎阱今按戴作牙使力士袒裼迭與之搏縱百姓觀之戎年七歲亦往觀焉虎乘閒薄欄而吼其聲震地觀者無不辟易顛仆戎亭然不動帝于門上見之使問姓名而異之場西故賈充宅地

穀水又東逕廣莫門北

漢之穀門也

大平寰宇記曰廣莫晉改是洛陽北門之傍東者

北對芒阜

連嶺脩互苞惚衆山始自洛口西踰平陰悉芒壘

也魏志曰明帝欲平北芒令登臺見孟津侍中辛

毗諫曰若九河溢涌洪水爲害邱陵皆夷何以禦

之帝乃止

穀水又東出

今按戴無此字

屈南逕建春門石橋下

卽上東門也

太平寰宇記曰晉改昌門一作建春門是洛陽東門之傍北者

阮

嗣宗詠懷詩曰步出上東門者一曰上升門晉

曰建陽門百官志曰洛陽十二門每門

今按趙無此二字

候一人六百石東觀漢記曰郵憚爲上東門候光

武嘗出夜還詔開門欲入憚不內上令從門閒識

面憚曰火明遼遠遂拒不開由是上益重之亦袁

本初挂節處也

橋首建兩石柱橋之右柱銘云陽嘉四年乙酉壬申

詔書以城下漕渠東通河濟南引江淮方貢委輸所

由而至使中謁者魏郡清淵馬憲監作石橋梁柱敦

敕工匠盡要妙之巧攢立重石累高周距橋工路博

流通萬里云云河南尹邳崇隗丞渤海重合雙福水

曹掾中牟任防史王蔭史趙興將作吏睢陽申翔道

橋掾成臯

今按戴作畢

卑國洛陽令江雙丞平陽降監掾

王騰之主石作右北平山仲三月起作八月畢成其

水依柱又

今按趙作文

自樂里道屈而東出陽渠

今按趙本此下

有昔陸機為成都王穎入洛敗北而返水南即馬市也舊洛陽有三市斯其一也亦嵇叔夜為司馬昭所害處也北則白社故里也昔孫子盛會董威輦于白社謂此矣以同載為榮故有威輦圖又東逕馬市石橋橋南有二石柱並無文刻也九十一字戴同惟省二也字實承諸誤本之舊全校改正分移于本卷又東左合七里澗及為之應也漢司空漁陽王梁之為之下詞義聯貫實為確見

河南也將引穀水以溉京都渠成而水不流故以坐

免後張純堰洛以通漕洛中公私穰贍

梓材按舊本作穰贍趙氏

朱箋刊誤云懷全氏校本改

是渠今引穀水蓋純之作穰○今按戴趙並依改

創也按陸機洛陽記劉澄之永初記言城之西面有

陽渠周公制之也昔周遷殷民于洛邑城隍偏狹卑

陋之所耳晉故城成周以居敬王秦又廣之以封不

韋以是推之非專周公可知矣

按穀水篇今有脫文故陽渠源委序次錯

亂太平寰宇記引晉書曰洛陽十二門皆有雙闕石橋跨陽渠水輿地志曰陽渠即周公所置池上源自函谷東流注城西北角仍分流遶城至亦謂之九曲建春門外合流又折而東流注于池

瀆河南十二縣境簿云九曲瀆在河南鞏縣西西至

洛陽又按傅暢晉書云都水使者陳狼鑿運渠從洛

口入注九曲至東陽門是以阮嗣宗詠懷詩所謂朝

出上東門遙望首陽岑又言遙遙九曲間裴徊欲何

之者也陽渠水南逕閶闔門逕今本誤作暨。今按戴趙仍作暨。

漢之上西門者也是洛陽西門之傍北者漢宮記曰上西門

所以不純白者漢家厄于戌故以丹鏤之太和遷

都徙門南側

其水北乘高渠枝分上下歷故石橋東入城逕望先

寺

中有碑碑側法子丹碑作龍矩今按趙作距勢于今作

則佳方古猶劣

渠水又東歷故金市南直千秋門

古今按戴作右宮門也

又枝流入石逗伏流注靈芝九龍池

魏太和中皇都遷洛陽經構宮極修理街渠務窮

幽今按戴無此字隱發石視之曾無毀壞梓材按舊本作嘗無毀壞趙氏

朱箋刊誤云嘗全氏校改又石工細密非今之今按

戴作知所擬亦奇為精至也遂因用之

其一水自千秋門南流逕神虎門下東對雲龍門

二門衡楸之上皆刻雲龍風虎之狀以火齊薄之

及其晨光初起夕景斜輝霜文翠照陸離眩目

又南逕通門掖門西趙一清曰通門疑。梓材按今趙本無之。又南流東

轉逕閶闔門南



案禮王有五門謂臯門庫門雉門應門路門

一曰畢門亦曰虎門也魏明帝上法太極于洛陽

南宮起太極殿于漢崇德殿之故處改雉門為闔

闔門太平寰宇記曰晉改上西門為闔昔在漢世

洛陽宮殿門題多是大篆言是蔡邕諸子自董卓

焚宮殿魏太祖平荊州漢吏部尚書安定梁鵠今案

戴趙均無此字孟皇善師宜官八分體求以贖死太祖善

其法常仰繫帳中愛翫之以為勝宜官北宮榜題

咸是鵠筆南宮既建明帝令侍中京兆韋誕以古

篆書之皇都遷洛始令中書舍人沈含馨以隸書

書之景明正始之年又敕符節令江式以大篆易

之今諸桁榜題皆是式書周官太宰以正月懸治

法于象魏廣雅曰闕謂之象魏風俗通曰魯昭公

設兩觀于門是謂之闕從門欵聲爾雅曰觀謂之

闕說文曰闕門觀也漢官典職曰偃師去洛四十

五里望朱雀闕其上鬱然與天連是明峻極矣洛

陽故宮名有朱雀闕白虎闕蒼龍闕北闕南宮闕

也東觀漢記曰更始發洛陽李松奉引車馬奔觸

北闕鐵柱門三馬皆死即斯闕也白虎通曰門必

有闕者何闕者所以飾門別尊卑也今闔闔門外

夾建巨闕以應天宿雖不如禮猶象而魏之此莊子戶  
而祝之社而上加復思以易觀矣廣雅曰復思謂  
稷之句法也之屏釋名曰屏自障屏也學思在門外學復也臣  
 將入請事於此復重思之也漢末兵起壞園陵學  
 思曰無使民復思漢也故鹽鐵論曰垣闕學思言  
 樹屏隅角所架也穎容又曰闕者上有所失下得  
 書之于闕所以求論譽于人故謂之闕矣今闕前  
 水南道右置登聞鼓以納諫也今按戴無此字昔黃帝立  
 明堂之議堯有衢室之問舜有告善之旌禹有立  
 鼓之訊湯有總街之誹武王有靈臺之復皆所以

廣設過誤之備也

渠水又枝分夾路南出逕太尉司徒兩坊間

謂之銅駝街舊魏明帝置銅駝諸獸于閭闔南街

陸機云駝高九尺脊今按趙作即出太尉坊者也水西

有永安寺熙平中始創也作九層浮圖浮圖下基

方一今按戴無此字十四丈自金露梓今按戴作槃下至地四

十九丈取法代都七級而又高廣之雖二京之盛

五都之富利剎靈圖未有若斯之構按釋法顯行

傳西域今按戴作國有爵離浮圖其高與此相狀東都

西域俱為莊妙矣其地是曹爽故宅經始之日于

寺院西南隅得爽窟室下入土今按趙可丈許地作地

壁悉纍方石砌之石作細密都無所毀其石悉入

法用自非曹爽庸匠亦難復制此桓氏有言曹子

丹生此豚犢信矣

渠左是魏晉故廟地今悉民居無復遺墉也渠水又

西歷廟社之間南注南渠

廟社各以物色辨方周禮廟及路寢皆如明堂而

有燕寢焉唯祧廟則無後代通為一廟列正室于

下無復燕寢之制禮天子建國左廟右社以石為

主祭則希冕今多王公攝事王者不親拜焉咸寧

元年洛陽大風帝社樹折青氣屬天元王東渡魏

社代昌矣

渠水自銅駝街東逕司馬門南

魏明帝始築闕崩壓殺數百人遂不復築故無闕

門南屏中舊有置銅翁仲處金狄既淪故處亦禿

唯壞石存焉自此南直宣陽門經緯通達皆列馳

道往來之禁一同兩漢曹子建嘗行御街犯門禁

以此見薄

渠水又東逕杜元凱所謂翟泉北今無水

坎方九丈六尺深二丈餘似是人工而不類于泉

陂是驗非之一證也又皇甫謐帝王世紀云王室  
 定遂徙居成周小不受王都故壞翟泉而廣之泉  
 源既塞明無故處是驗非之二證也杜預言翟泉  
 在太倉西南既言西南于雒陽不得為東北是驗  
 非之三證也稽之地說事幾明矣不得為翟泉也  
 渠水歷司空府前逕太倉南出東陽門石橋下注陽  
 渠穀水自閭闔門而南逕土山東

水西三里有坂坂上有土山漢大將軍梁冀所成  
 築土為山植林今按戴作木成苑張璠漢記曰山多峭  
 坂以象二峭積金玉採捕禽獸以充其中有人殺

苑兔者迭相尋逐死者十三人

南出逕西陽門

舊漢氏之西明門也亦曰雍門矣太平寰宇記曰漢之雍門晉改曰西明門○是舊門在南太和中沈炳巽曰是拓洛陽正西門以故門邪出故徙是門東對東陽門

穀水又南逕白馬寺東

昔漢明帝夢見大人金色項佩白光以問羣臣或  
 對曰西方有神名曰佛形如陛下所夢得無是乎  
 于是發使天竺寫致經像始以榆欂盛經白馬負  
 圖表之中夏故以白馬為寺名此榆欂後移在城

內愍懷太子浮圖中近世復遷此寺然金光流照  
法輪東轉創自此矣

穀水又南逕平樂觀東

李尤平樂觀賦曰乃設平樂之顯觀章祕偉之奇  
珍華嶠後漢書曰靈帝于平樂觀下起大壇上建  
十二重五采華蓋高十丈壇東北為小壇復建九  
重華蓋高九丈列奇兵騎士數萬人天子住大蓋  
下禮畢天子躬擐甲稱無上將軍行陣三匝而還  
設祕戲以示遠人故東京賦曰其西則有平樂都  
場示遠之觀龍雀蟠蜿天馬半漢應劭曰飛廉神

禽能致風氣古人以良金鑄其象明帝永平五年  
長安迎取飛廉并銅馬置上西門外平樂觀今于  
上西門外無他基觀惟西明門外獨有此臺巍然  
廣秀疑即平樂觀也又言皇女穉殤埋于臺側故  
復名之曰皇女臺晉灼曰飛廉鹿身頭如雀有角  
而蛇尾豹文董卓銷為金用銅馬徙于建始殿東  
階下胡軍喪亂此象遂淪

穀水又南逕西明門

故廣陽門也是洛陽西門之傍南者

門左枝渠東派入城逕太社前又東逕太廟南又東

于青陽門右下注陽渠穀水又南東屈逕津陽門南

故津門也按津陽門魏門津門漢門○昔洛水泛

洸漂害者眾津陽城門校尉將築以遏水諫議大

夫陳宣止之曰王尊臣也一本作王尊正己水絕其足朝

廷中興必不入矣水乃造門而退是光武建武八年事見謝承書

今引入劉昭注

穀水又東逕宣陽門南

故苑門也太平寰宇記作小苑門晉改○皇都遷

洛移置于此對閶闔門南直洛水浮桁故東京賦

曰泝洛背河左伊右瀍者也夫洛陽考之中土卜

惟洛食實為神也門左即洛陽池處也池東舊平

城門所在矣今塞北對洛陽南宮故蔡邕曰平城

門正陽之門與宮連屬郊祀法駕所由從出門之

最尊者洛陽諸宮名曰南宮有謬臺臨照臺東京

賦曰其南則有謬門曲榭邪阻城洫注云謬門冰

室門也阻依也洫城下池也皆屈曲邪行依城池

為道故說文曰隍城池也有水曰池無水曰隍矣

謬門即宣陽門也門內有宣陽冰室周禮有冰人

日在北陸而藏之西陸朝覲而出之冰室舊在宣

陽門內故得是名門既擁塞冰室又罷

穀水又逕靈臺北

望雲物也漢光武所築高六丈方二十步世祖嘗  
宴于此臺得鼯鼠于臺上亦諫議大夫第五子陵  
之所居倫少子也以清正為郡功曹今按戴無洛  
此四字陽無主人鄉里無田宅寄止靈臺或十日不炊司  
隸校尉南陽左雄尚書廬江朱孟興等皆倫所舉  
故孝廉功曹梓材按趙氏朱箋刊誤云故孝廉功  
曹上落皆倫二字全氏校補是其前  
校時猶未補所舉二字然無所舉二字  
均依全補皆倫二字並辭不受永建中卒朱謀埠曰見三  
輔決錄名頡

穀水又東逕平昌門南

故平門也

太平寰宇記作故平成門  
○按此是洛陽正南門

又逕明堂北

漢光武中元元年立尋其基構上圓下方九室重  
隅十二堂蔡邕月令章句同之故引水于其下為  
辟雍也

穀水又東逕開陽門南

晉宮閣名曰故建陽門也

按此是洛陽南  
門之傍東者

漢官曰

何焯曰唐志有漢官五卷漢官儀十卷則是別有  
漢官一書或妄于此加一儀字者非○按太平寰  
宇記引此開陽門始成未有名宿昔有一柱來在  
樓上琅琊開陽縣上言今按戴  
有縣字南城門一柱飛去

光武皇帝使來識視良是遂堅縛之因刻記年月  
日以名焉何湯今按戴仲弓嘗為門候上微行夜  
還湯閉門不納朝廷嘉之

又東逕國子太學石經北

周禮有國學教成均之法學記曰古者家有塾黨  
有庠遂有序國有學亦有虞氏之上庠下庠夏后  
氏之東序西序殷人之左學右學周人之東膠虞  
庠王制云養國老于上庠養庶老于下庠故有太  
學小學教國之子弟焉謂之國子漢魏以來置太  
學于國子堂東漢靈帝光和六年刻石鏤碑載五

經立于太學講堂前悉在東側蔡邕以熹平四年  
與五官中郎將堂谿典光祿大夫楊賜諫議大夫  
馬日磾議郎張馴韓說太史令單颺等奏求正定  
六經文字靈帝許之邕乃自書丹于碑使工鐫刻  
立于太學門外于是後儒晚學咸取正焉及碑始  
立其觀視及筆寫者車乘日千餘兩填塞街陌矣  
今碑上悉銘刻蔡邕等名魏正始中又立古篆隸  
三字石經古文出于黃今按戴帝之世倉頡本鳥  
跡為字取其孳乳相生故文字有六義焉自秦用  
篆書焚燒先典古文絕矣魯恭王得孔子宅書不



知有古文謂之科斗書蓋因科斗之名遂效其形耳言大篆出于周宣之時史籀創著平王東遷文字乖錯秦之李斯及胡毋敬又改籀書謂之小篆故有大篆小篆焉然許氏字說專釋于篆而不本古文言古隸之書起于秦代而篆字文繁無會劇務故用隸人之省謂之隸書或云即程邈于雲陽增損者是言隸者篆捷也孫暢之嘗見青州刺史傅弘仁說臨淄人發古塚得桐棺前和外隱為隸字言齊太公六世孫胡公之棺也唯三字是古餘同今書證知隸自出古非始于秦魏初傳古文出

邯鄲滄石經古文轉失滄法樹之于堂西石長八尺廣四尺列石于其下碑石四十八枚廣三十丈

魏文帝今按戴作明帝又刊典論六碑附于其次梓材按趙釋有

云吾杭杭編修撰石經考異蒼萃羣籍足補亭林顧氏之缺四明全庶常更增廣之搜剔益無遺漏石經之陳迹一旦顯于千百年之後陸機言太學也是全氏甚有功于石經附識于此

贊別一碑在講堂西下列石龜碑載蔡邕韓說堂谿典等名太學弟子贊復一碑在外門中今二碑並無石經東有一碑是漢順帝陽嘉元年立碑文云建武二十七年造太學年積毀壞永建六年九月詔書修太學刻石記年用作工今按此二字趙乙徒十

一萬二千人陽嘉元年八月作畢碑南面刻頌表裏鏤字猶存不破漢石經北有晉辟雍行禮碑是太始二年立其碑中折但世代不同物不停故石經淪缺存半毀幾駕言永久諒用憮焉考古有三雍之文今靈臺太學並無辟雍處晉永嘉中王彌劉曜入洛焚毀二學尚髣髴前基矣

穀水于城東南隅枝分北注逕青陽門東

故清明門也按青陽門是洛陽東門之傍南者亦曰稅門也今按戴無

此亦曰芒門

又北逕東陽門東

故中東門也按此是洛陽正東門所謂十二門者也十二門無正北門故北面止二門而南面有四門

又北逕故太倉西

洛陽地記曰大城東有太倉倉下運船常有千計卽是處也

又北入洛陽溝穀水又東左迤爲池又東右出爲方湖

東西一今按戴無此字百九十步南北七十步故水衡署之所在也

穀水又東南轉屈而東注謂之院曲

云阮嗣宗之故居也

穀水又東注鴻池陂

百官志曰鴻池池名也在洛陽東二十里丞一人

二百石池東西千步南北千一百步四周有塘池

中又有東西橫塘水溜逕今按戴作徑通故李尤鴻池

陂銘曰鴻澤之陂聖王所規開源東注出自城池

也

其水又東左合七里澗

昔陸機爲成都王穎入洛敗北而返今按此十四字戴趙本均

在上文東出陽渠下晉後畧曰成都王今按戴趙本王使吳

人陸機爲前鋒都督伐京師輕進爲洛軍所乘大

敗于鹿苑人相登躡死于塹中及七里澗澗爲之

滿卽是澗也澗有石梁卽旅人橋也昔孫登不欲

久居洛陽知楊氏榮不保終思欲遯跡林鄉隱淪

妄死楊駿埋之于此橋之東駿後尋亡矣搜神記

曰太康末京洛始爲折楊之歌有兵革辛苦之辭

駿後被誅太后幽死折楊爲今按戴無此字之應也水南

卽馬市也舊洛陽有三市斯其一也亦嵇叔夜爲

司馬昭所害處也北則白社故里也昔孫子荆會

董威輦于白社謂此矣以同載爲榮故有威輦圖

又東逕馬市石橋

橋南有二石柱並無文刻也

今按水南即馬市也至此句七十七字戴

趙本均在上文東出陽渠昔陸機為成都王穎入洛敗北而返之下

凡是數橋皆累

石為之亦高壯矣制作甚佳雖以時往損功而不

廢行旅朱超石與兄書云橋去洛陽宮六七里悉

用大石下員以通水可受大舫過也奇制作

今按戴無

此三字題其上云太康三年十一月初就功日用七

萬五千人至四月末止此橋經破落復更修補今

無復文字

陽渠水又東流逕漢廣野君酈食其廟南

廟在北山上成公綏所謂偃師西山也山上舊基

尚存廟宇東面

今按戴作向

門有兩石人對倚北石人

胸前銘云門亭長

有脫文

石人西有二石闕雖經頽

毀猶高丈餘闕西即廟故基也基前有碑文字剝

缺不復可識子安仰澄芬于萬古讚清徽于廟像

文字載

今按戴趙無此字

厥集矣

陽渠水又東逕亳殷南

昔盤庚所遷改商曰殷此始也班固曰尸鄉故殷

湯所都者也故亦曰湯亭薛瓚漢書注皇甫謐帝

王世紀並以爲非以爲帝嚳都矣晉太康記地道

記並言田橫死于是亭故改曰尸鄉非也余按司馬彪郡國志以為春秋之尸氏也其澤野負原夾郭多墳壟焉即陸士衡會王輔嗣處也袁氏王陸詩敘機初入洛次河南之偃師時忽結陰望道左若有今按戴無此字民居者因往逗宿見一少年姿神端遠與機言立機服其能而無以酬折前致今按趙一作辯有文字機題緯古今綜檢名實此少年不甚欣解將曉去稅駕逆旅嫗曰君何宿而來自東數十里無村落止有山陽王家墓機乃怪悵還睇昨路空野霾雲攢木蔽日知所遇者審王弼也此山

即祝雞翁之故居也搜神記曰祝雞翁者洛陽人也居尸鄉北山下養雞百年餘雞至千餘頭皆有名字欲取呼之名則種別而至後之吳山莫知所去矣按此下不言陽渠水入穀之處有脫文穀水又東逕偃師城南

皇甫謐曰帝嚳作都于亳偃師是也王莽之所謂師氏者也

穀水又東流注于洛水矣

甘水

甘水出弘農宜陽縣鹿蹄山

山在河南陸渾縣故城西北俗謂之縱山水之所導

發于山曲之中故世人目其所謂今按戴趙均作為甘泉焉

泉或作掌趙一清曰即仙掌之掌又或作棠皆非也

按杜預曰河南有甘泉○梓材按趙氏語今趙本無

唯其朱箋刊誤云甘棠黃省曾本作甘掌如華掌鸞

掌之類元和郡縣志河南府壽安縣下本漢宜陽縣

地後魏分新安置甘掌縣是也○今按戴趙均作甘掌

東北至河南縣南北入洛

甘水發源東北流北屈逕一故城東

在非山上世謂之石城也京相璠曰或云甘水西

山上夷汗而平梓材按舊本作夢汗而平趙氏朱

汗二字○今按戴趙均依改有故甘城在河南城西二十五里

指謂是城也余按甘水東一今按戴無此字十許里洛城

南有故甘城焉北對河南故城世謂之鑿洛城鑿

甘聲相近即故甘城也為王子帶之故邑矣是以

昭叔有甘公之稱焉按王子帶稱太叔死後稱甘

昭公不稱昭叔○趙本引全

氏校語

甘水又與非山水會水出非山東谷東流入于甘水

甘水又于河南城西北入洛經言縣南非也故今按戴無

此京相璠曰今河南今按戴無河南縣西南有甘水

北入洛斯得之矣

水經注第十終

後學王梓材錄董沛重校

水經注第十一

范陽酈道元注

鄞全祖望校

布政使銜浙江甯紹台兵備道無錫薛福成校刊

湛水

湛水出河內軹縣西北山

湛水出軹縣南原湛谿俗謂之須

今案戴

水也

按諸

俗謂之湛水也豈有呼湛水為湛水而向以為字讀之變者乎先司空公本改作須水注其旁曰須讀作須按須固有須音須字類湛而須音亦近湛但不知須水何所見後讀通鑑隋漢王諒遣其將屯河陽與史祥戰須水胡三省疑以為溟水乃恍然曰得之矣然後知先司空公史學之貫穿。梓材按此自重校入本錄

是蓋聲

今案戴有形字下畫字仍作畫

畫鄰

梓材按朱謀埠本作是蓋聲盡鄰趙氏刊

誤引全氏云 故字讀俱變同于三豕之誤耳 按善盡當作畫 經誤以溟水為湛水蓋溟水出原城入軹縣其源相近。此重校本

其水自谿又 今案戴南流

東過其縣北又東過波縣之北 按溟水在濟水篇云東入軹縣又東逕波縣故

北城

湛水南逕向城東而南注

又東過毋辟邑南

原經所注斯乃溟川之所由 溟今本誤作汨或非湛水之間關也 有今按戴經之誤證耳 按濟水篇曰溟南今本誤溟字 為汨以致妄解 湛水自向城東南逕湛城東

時人謂之湛 今按戴 城亦或謂之隰城矣谿曰隰

澗隰城在東言北非矣後漢郡國志曰河陽縣有

湛城是也 按續漢志湛城在河陽之孟津隰城在

者為非。此重校本

又東南當平陰 今案戴 縣之東北南入于河

湛水又東南逕鄧南流注于河故河濟有鄧津之名

矣 按此注知河水篇又東至鄧句

當在湛水之上文可無疑也

鮪琦亭集東潛水經湛水篇帖子曰水經第六

卷自汾水以至晉水皆異源而同入于汾以達河

者也應獨強附湛水于其末其為錯簡無疑矣乃

即本篇中道元亦深疑之勉為疏釋而後悟曰原

經所注斯乃汨川之所由非湛水之間關也是經

之誤證耳自是以後雖善讀水經如國初胡黃

全交水經注 卷二 湛水



顧閣諸老至是篇亦復未有折衷但所謂汨川者  
道元既實有所指矣而求之是書汨川安在即  
考經傳皆無是川則道元果安所指與予反覆思  
之汨川者漢川也漢訛而為汨汨又省而為汨而  
聲又近是則道元所謂字讀俱變者也何以知其  
為漢川也道元于濟水篇中及漢矣曰漢水出原  
城西北原山又東南塋溝水注之水出軹縣西南  
山下北流東轉入軹縣故城中又屈而北流出軹  
郭又東北流注于漢是即此經所云漘水出河內  
軹縣西北山者也蓋必漘水所出之處原與漢水  
相近故混也濟水篇曰漢水又東過波縣之北者  
是即此經所云漘水又東過波縣之北者又曰  
漢水東南逕安國城東又南過波縣之北者又曰  
經所云又東過毋辟邑南者也道元故從而正之  
曰斯乃漢川之所由非漘水之間關也又曰漢水  
又南注于河是即此經所云又東南當平陰縣之  
東北南入于河者也豈意遞遞變遂成汨字而  
莫有悟而正之者乎然則何以強附之汨水之末  
也曰漢水一篇之作經者蓋以類次之汨水之後在  
第九卷清水之前夫清水卷中皆河內之水則漢

水亦其氣類也而傳寫者忽移之濟水之前遂廁  
于第六卷晉水之後而不知其蹤跡具在濟水注  
中也不然道元明言其謂汨川所由而讀盡水經  
四十卷杳然無所謂汨川者亦可怪矣道元能指  
其誤而不知後之人之更誤也  
也得余言應見賞于千古耳

沁水

沁水出上黨涅縣謁戾山

沁水即洎水也洎沈炳異曰當作涅太平寰宇記沁  
水出綿上縣覆甌嶺而濁漳篇涅水

亦出覆甌然則沁水與之同源  
○今按戴趙均依此徑改涅  
或言出穀遠縣羊頭

山世靡谷三源奇注逕瀉一隍又南會三水沿歷出

左右近谿沿歷二字孫潛校○今參差翼注之也

南過穀遠縣東又南過猗今按戴作氏縣東

全交水經注

穀遠縣王莽之穀近也

沁水又南逕猗氏縣故城東

劉聰以詹事魯繇為冀州治此也

沁水又南歷猗氏關又南與羸羸水合水出東北巨

駿今按趙作峻下同

山乘高瀉浪觸石流響世人因聲以納

稱西南流注于沁沁水又南與秦川水合水出巨駿

山東帶引眾溪積以成川又西南逕端氏縣故城東

昔韓趙魏分晉遷晉君于端氏縣即此是也

其水南流入于沁水

又南過陽阿縣東

沁水南逕陽阿縣故城西

又魏土地記曰建興郡治陽阿縣郡西四十里有沁

東水南流

沁水又南與濩澤水合水出

今按戴有濩字

澤城西白澗嶺

下東逕濩澤

墨子曰舜漁濩澤應邵曰澤在縣西北

又東逕濩澤縣故城南

蓋以澤氏縣也竹書紀年梁惠成王十九年晉取

玄武濩澤者也

其水際城東注又東合清淵水水出其縣

今按趙作城北

東南逕今按戴本有濩字澤城東又南入于濩今按戴無此字下同澤

水濩澤水又東得陽泉水口水出鹿臺山山上有水

淵而不流其水東逕陽陵城南

即陽阿縣之故城也漢高帝七年封卞訢為侯國

已見河水陽阿縣注

水厯嶠嶢山東下與黑嶺水合水出西北黑嶺下即

開澄也其水東南流逕北鄉亭下又東南逕陽陵城

東南注陽泉水陽泉水又南注濩澤水今按戴本重澤水二字

又東南又今按戴無此字有上澗水注之水導源西北輔山

東逕銅于崖南厯析城山北

山在濩澤南禹貢所謂砥柱析城至于王屋也山

甚高峻上平坦

下有二泉東濁西清

左右不生草木數十步外多細竹

其水自山陰東入濩澤水濩澤水又東南注于沁水

沁水又東南陽阿水左入焉水北出陽阿川南流逕

建興郡西西字以孫潛本校改其水今案戴本此二字今按戴趙竝依改字在沿波上

又東南流逕午壁亭東南入山沿波激石崩澗入

丈環濤穀轉西南流入于沁水

又南今按戴於又南加沁水二字五十餘里沿流上下沿流上下以太

平寰宇記校增。步逕裁通小竹細筍被于山渚  
今案戴趙並依增蒙籠茂密奇爲翳薈也

又南出山過沁水縣北

沁水南逕石門

今按趙有世字

謂之沁口魏土地記曰河內

郡野王縣西七十里有沁水左逕沁水城西附城東南流也

石門是晉安平獻王司馬孚之爲魏野王典農中郎將之所造也案其表云臣孚言臣被明詔興河內水利臣旣到檢行沁水源出銅鞮山屈曲周迴水道九百里自太行以西王屋以東層巖高峻天

文東時霖雨衆谷走水小石漂迸木門朽敗稻田汎濫

歲功不成臣輒按行去堰五里以外方石可得數

萬餘枚臣以爲

今按戴有累字

方石爲門若天亢

今按戴作陽

旱增堰進水若天霖雨陂澤充溢則閉石

今按戴作防

斷水空渠衍澇足以成河雲雨由人經國之謀暫

勞永逸聖王所許願陛下特出臣表勅大司農府水結人工勿使稽延以贊時要臣孚言詔書聽許于

其是夾岸累石結以爲門用代木門枋故石門舊有枋口之稱矣溉田頃畝之數間關歲月之功事見門側石銘矣水西有孔山山上石穴洞開穴內石

上有車轍牛跡者舊傳云自然成著非人功所就也

其水南分爲二水一水南出爲朱溝水沁水又逕沁水縣故城北蓋藉水以名縣矣春秋之少水也

京相璠曰晉地矣又云少水今沁水也

沁水又東逕沁水亭北世謂之小沁城沁水又東右合小沁水水出北山臺渟淵南流爲臺渟水東南入

沁水沁水又東倍澗水注之水北出五行之山南流注于沁水

又東過野王縣北

沁水又東邗水注之水出太行之阜

山卽五行之異名也淮南子曰武王欲築宮于五行之山周公曰五行嶮固德能覆也內貢迴矣使

吾暴亂則伐我難矣君子以爲能持滿高誘云今太行山也在河內野王縣西北上黨關也

詩所謂徒矧野王道傾蓋上黨關卽此山矣其水南流逕邗城西

故邗關也城南有邗臺春秋僖公二十四年王將伐鄭富辰諫曰邗武之穆也京相璠曰今野王西

北三十里有故邗城邗臺是也今故城當太行南

路道出其中漢武帝封李壽爲侯國

邠水又東南逕孔子廟東

廟庭有碑魏太和元年孔靈度等以舊宇毀落上求修復野王令范眾愛河中太守元真刺史咸陽公高允表聞立位予廟治中劉明別駕呂次文主簿向班虎荀靈龜以宣尼大聖非碑頌所稱宜立記焉云仲尼傷道不行欲北從趙鞅聞殺鳴犢戴作遂旋車而反及其後也晉人思之於太行嶺戴作南爲之立廟蓋往時迴轅處也余按諸子書及史籍之文竝言仲尼臨河而歎曰邱之不濟命也夫

是非太行迴轅之言也碑云魯國孔氏官于洛陽

因居廟下以奉烝嘗斯言至今按戴矣蓋孔因今按

戴趙竝遷山下追思聖祖故立廟存饗耳其猶劉

累遷魯立堯祠于山矣非謂迴轅于此也

邠水東南逕邠亭西

京相璠曰又有亭在臺西南三十里今是亭在邠城東南七八里蓋京氏之謬耳或更有之余所不詳

其水又南流注于沁沁水東逕野王縣故城北

秦昭王四十四年白起攻太行道絕而韓之野王

降始皇拔魏東地置東郡衛元君自濮陽徙野王

卽此縣也漢高帝元年爲殷國二年爲河內郡王

莽之後隊縣曰平野矣閩若璩曰野王在班志居第四縣按若璩誤以爲西

漢之河內郡治魏懷州刺史治皇都遷洛省州復郡水北

有華嶽廟廟側有攢柏數百根對郭臨川負岡蔭

渚青青彌望奇可翫也懷州刺史頓邱李洪之之

所經構也廟有碑焉是河內郡功曹山陽荀靈龜

以和平四年造天安元年立

沁水又東朱溝枝津入焉又東與丹水合水出上黨

高都縣故城東北阜下俗謂之源源水山海經曰沁

水之東有林焉名曰丹林丹水出焉卽斯水矣丹水

自源東北流又屈而東注左會絕水地理志曰高都

縣有莞谷丹水所出東南入絕水是也絕水出泫氏

縣西北楊谷故地理志曰楊谷絕水所出東南流左

會長平水水出長平縣西北小山東南流逕其縣故

城

泫氏之長平亭也史記曰秦使左庶長王齮攻韓

取上黨上黨民走趙趙軍長平使廉頗爲將後遣

馬服君之子趙括代之秦密使武安君白起攻之

括四十萬衆降起坑之于此上黨記曰長平城

在郡之南秦壘在城西二軍共食流水澗相去五里秦坑趙衆收頭顱築臺于壘中因山為臺崔嵬築起今仍號之曰白起臺城之左右沿山互隕南

北五十許里東西二十餘里悉秦趙故壘遺壁舊

存焉漢武帝元朔二年以封將軍衛青為侯國按

將軍所封國索隱曰在汝南是也其子宜春侯亦在汝南然則非上黨之長平也

其水東南流注絕水絕水又東南流逕泫氏縣故城

北竹書紀年曰晉烈公元年趙獻子城泫氏曰高

絕水東南與泫水會水導源縣西北泫谷東流逕一

故城南按漢志泫水即絕水也此經則各為一水

故城南

俗謂之都鄉城按漢志泫水即絕水也此經則各為一水

又東南逕泫氏縣故城南

世祖建武六年封萬普為侯國

而東會絕水亂流東南入南都縣右入丹水

上黨記曰長平城在郡南山中丹水出長平北山

南流秦坑趙衆流血丹川由是俗名為丹水斯為

不經矣

丹水又東南流注于丹谷

即劉越石扶風歌所謂丹水者也周嬰曰歌云朝發廣莫門莫宿



丹水山上黨去洛千五百里何其遠乎蓋指  
宏農上洛之丹水善長誤引而李善亦因之晉書  
地道記曰縣有太行關丹溪為關之東谷途自此  
去不復由關矣

丹水又逕二石人北而各在一山角倚相望南為河

內北曰上黨二郡以之分境丹水又東南歷西巖下

巖下有泉湧發洪流巨輪淵深不測蘋藻冬芹

孫潛曰冬  
變暄萎竟川含綠雖嚴辰肅月燕麥今按此二  
字戴作無

丹水又南白水注之水出高都縣故城西所謂長平

白水也東南流歷天井關

地理志曰高都縣有天井關蔡邕曰太行山上有

天井關在井北遂因名焉故劉歆遂初賦曰馳太

行之嶮峻入天井之高關太元十五年晉征虜將

軍朱序破慕容永于太行遣軍至白水去長子一

今按戴  
無此字百六十里

白水又東天井溪水會焉水出天井關北流注白水

世謂之北流泉白水又東南流入丹水謂之白水交

丹水又東南出山逕鄴城西

城在山際俗謂之期城非也司馬彪郡國志曰山  
陽有鄴城京相璠曰河內山陽西北六十里有鄴

城竹書紀年曰梁惠成王元年趙成侯偃韓懿侯若伐我葵卽此城也

丹水又南屈而西轉光溝水出焉丹水又西逕苑鄉

城北南屈東轉逕其城南東南流注于沁謂之丹口

竹書紀年曰晉出公五年丹水三日絕不流幽公

九年丹水出相反擊卽此水也

沁水又東光溝水注之也今按戴水首受丹水東南無此字

流界溝水出焉又南入沁水今按戴本重又東南流

逕成鄉城北又東逕中都亭南又合界溝水水上承

光溝東南流長明溝水出焉又南逕中都亭西而南

流注于沁水也

又東過州縣北今本州譌作周○今案趙仍作周戴依改

縣故周今按戴也春秋左傳隱公十有一年周以

賜鄭文有脫公孫段六國時韓宣子徙居之按州本

十一年桓王以賜鄭時蘇子尚存叛王故王以賜

鄭而鄭不能有也晉啟南陽州入于晉趙氏郤氏

樂氏迭有之昭三年晉以賜鄭公孫段七年鄭復

歸之晉韓宣子以易原縣于宋樂大心然大心又

仍不敢受而歸之晉故史記韓宣子晚居州此注

有脫簡非原文而韓宣子亦非六國時人則誤語

也何焯知韓宣子不逮六國時而不知宣子實常

居州不見于左而見于史故其詰善長亦未覈○

梓材按趙本引全氏校語略同唯又云其後仍屬

晉公家宋行人樂祁之死晉人止其尸于州以求

盟是也數語

較此尤詳

有白馬溝水注之水首受白馬湖湖一名朱管陂陂  
上承長明溝湖水東南流逕金亭西分爲二水一水  
東出爲蔡溝一水南流注于沁也

又東過懷縣之北

韓詩外傳曰武王伐紂到邢邱更名邢邱曰懷春  
秋時赤翟伐晉圍懷是也王莽以爲河內故河內  
郡治也按閭若據曰河內治懷乃  
東漢事非也西漢已治懷舊三河之地矣

韋昭曰河東河南河內爲三河也

縣北有沁陽城沁水逕其南而東注也

又東過武德縣南又東南至滎陽縣北東入于河

沁水于縣南水積爲陂通結數湖有朱溝水注之其  
水上承沁水于沁水縣西北自枋口東南流奉溝水  
右出焉又東南流右泄爲沙溝水也其水又東南于  
野王城西枝渠左出焉以周城漑東逕野王城南又  
屈逕其城東而北注沁水朱溝自枝渠東南逕州城  
南又東逕懷城南又東逕殷城北

郭緣生述征記曰河之北岸河內懷縣有殷城或  
謂楚漢之際殷王卬治之非也余按竹書紀年云  
秦師伐鄭次于懷城殷卽是城也然則殷之爲名  
久矣知非從卬始昔劉聰以郭默爲殷州刺史督

緣河諸軍事治此按郭默嘗附劉曜非劉聰

朱溝水又東南注于湖湖水右納沙溝水水分朱溝

南派東南逕安昌城西

漢成帝河平四年封丞相張禹為侯國今城之東

南有古冢時人謂之張禹墓余按漢書禹河內軹

人徙家蓮勺鴻嘉元年禹以老乞骸今按戴自治

冢瑩起祠堂于平陵之肥牛亭近延陵奏請之詔

為徙亭哀帝建平二年薨遂葬于彼此則非也按

表張禹所封在汝南地理志亦以汝南之安昌為

侯國然當以善長為是蓋禹故河內人也○梓材

按趙本引全氏曰張禹所封在汝南地理志汝南

郡安昌縣下云侯國外戚恩澤侯表亦云是汝南

沙溝水又東逕隰城北

春秋僖公二十五年取太叔於溫殺之於隰城是

也京相璠曰在懷縣西南

又逕殷城西東南流入于陂陂水又直武德縣南至

滎陽縣北東南流入于河先儒亦咸謂是溝為濟渠

故班固及闕駟竝言濟水至武德入河蓋濟水枝瀆

條分所在布稱亦兼丹水之目矣

方輿紀要安昌城在信陽州西北七十里漢縣屬汝南郡亦見淮水注蓋其前校語也

水經注第十一終

後學王梓材錄董沛重校

水經注第十二

范陽酈道元注

鄞全祖望校

布政使銜浙江甯紹台兵備道無錫薛福成校刊

清水

清水出河內修武縣之北黑山

黑山在縣北白鹿山東清水所出也上承諸陂散泉

積以成川西南流屈曲今按此五字戴瀑布垂巖懸

河注壑二十餘丈雷撲今按戴之聲震動山谷左右

石壁層深獸跡不交隍中散水霧合視不見底南峰

北嶺多結禪棲之士東巖西谷又是剎靈之圖竹柏

之懷與神心妙遠仁智之性共山水效深更爲勝處

也其水歷澗飛流清冷洞觀謂之清水矣溪曰瑤溪

又曰瑤澗清水又南與小瑤水合水近出西溪今按戴無

此字北窮溪東南流注之今按戴無此字清水清水又東南流

吳澤陂水注之水上承吳陂于修武縣故城西北

修武故甯也亦曰南陽矣馬季長曰晉地自朝歌

以北至中山為東陽朝歌以南至軹為南陽故應

劭地理風俗記云河內殷國也周名之為南陽又

曰晉始啟南陽今南陽城是也秦始皇改曰修武

徐廣王隱並言始皇改瓚注漢書云案韓非書秦

昭王越趙長平西伐修武時秦未兼天下修武之

名久矣余案韓詩外傳言武王伐紂勒兵于甯更

名甯曰修武矣魏獻子田大陸還卒于甯是也漢

高帝八年封都尉魏邀為侯國按索隱曰濟南蓋以為陽也當從

善長胡三省亦曰大修武有小故稱大小修武在

東漢祖與滕公濟白玉門津而宿小修武者也大

陸即吳澤矣

魏土地記曰修武城西北二十里有吳澤水陂南北

二十許里東西三十里西則界溝水今按此三字入

焉水有二源北水上承河內野王縣東北光溝為長

明溝舊本誤以界溝為蔡溝以光溝為界溝今改正

分枝津下分枝津東逕雍城南寒泉水注之水出雍城西

北泉流南注逕雍城西

春秋僖公二十四年王將以狄伐鄭富辰諫曰雍文之昭也京相璠曰今河內山陽西有故雍城

又東南注長明溝溝水又東逕射犬城北

漢大司馬張楊為將楊醜所害睦固殺醜屯此欲

北合袁紹典略曰睦固字白菟或戒固曰將軍字

菟而此邑名犬菟見犬其勢必驚宜急去菟今按戴作

固不從漢興平四年沈炳巽曰是建安四年興平止二年耳。今按戴徑改建

安魏太祖斬之于此以魏种為河內太守守之充

州叛太祖曰唯种不棄孤及走太祖怒曰种不南

走越北走胡不置汝也射犬平禽之公曰難其才

也難魏志作唯並通。釋而用之。今按戴依此徑改惟。

長明溝水東入石澗東流蔡溝水入焉水上承州縣

北白馬溝東分謂之蔡溝東會長明溝水又東逕修

武縣之吳亭北東入吳陂今案趙有水字又次北有苟泉水

入焉水出山陽縣故修武城西南同源分派裂為二

水南為苟泉北則吳瀆二瀆雙導俱東入陂山陽縣

東北二十五里有陸眞阜南有皇母馬鳴二泉東南

合注于吳陂也次陸眞阜之東北得覆釜堆堆南有

三泉相去四五里參差合今按此二字戴乙次南注于陂泉

在濁鹿城西

建安二十五年魏封漢獻帝為山陽公濁鹿城即  
是公所居也陂水之北際澤側有隕城也春秋隱

公十一年王以攢茅隕十二邑與司寇蘇忿生者

何焯曰非也是以蘇田與鄭耳○今案此二句  
也戴經改作王以司寇蘇忿生之田攢茅隕十二  
邑與鄭京相璠曰河內修武縣北有故隕城實中  
者也

今世俗謂之皮垣方四百步實中高八丈際陂北

隔水一今按戴無此字十五里俗所謂蘭邱也方二百步

西一今按戴無此字十里又有一邱際山世謂之勅邱方

五百步形狀相類疑即古攢茅也杜預曰二邑在

修武縣北所未詳也

又東長泉水注之源出白鹿山東南伏流逕一今按戴無

此十三里重源濬發于鄧城西北東南伏流今按戴無此四

字世亦謂之重泉水也又逕七賢祠東

左右筠篁列植冬夏不變貞萋魏步兵校尉陳留

阮籍中散大夫譙國嵇康晉司徒河內山濤司徒

琅邪王戎黃門郎河內向秀建威參軍沛國劉伶

始平太守阮咸等同居山陽結自得之遊時人號

之為竹林七賢也今按戴無此字向子期所謂山陽舊居



也後人立廟于其處

廟南又有一泉東南流注于長泉水

郭緣生述征記所云白鹿山東南二十五里有嵇公故居以居時有遺竹焉蓋謂此也

其水又南逕鄧城東名之為鄧瀆又謂之為白屋水也

昔司馬懿征公孫淵還達白屋即于此也

其水又東南流逕隕城北又東南歷澤注于陂泉今按

戴作水東流謂之八光溝而東流注于清水謂之長

清河而東周永豐城今按戴趙均作塢有丁公泉發于焦泉

之右次東又得焦泉泉發于天門之左天井固右

天門山石自空狀若門焉廣三丈高兩匹深丈餘

更無所出世謂之天門也又謂之百家巖巖下可

容百家故以為名以宋本校增十六字○今東五按戴本無趙引於注中

百餘步中有石穴西向裁得容人平行今按戴無此二字

東南入徑至天井直上三匹有餘扳躡而昇至上

平東西二百步南北七百步四面險絕無由昇陟

矣上有比丘釋僧訓精舍寺有十餘僧給養難周

多出下平有志者居之寺左右雜樹疏挺今案戴作頌字

有一石泉方丈餘清水湛然常無增減山居者資

以給飲北有石室二口舊是隱者念一之所今無人矣

泉發于北阜南流成溪世謂之焦泉也次東得魚鮑泉次東得張波泉次東得三淵泉梗河參連女宿相屬是四川在重門城西並單川南注也

重門城昔齊王芳為司馬師廢之宮于此即魏志所謂送齊王于河內重門者也城在共縣故城西北二十里

城南有安陽陂次東又得卓水陂次東有北門陂陂方五百步在共縣故城西

漢高帝八年封旅今案戴作盧罷師為共巖今案戴無此字侯

國即共和之故國也共伯既歸帝政逍遙于共山之上山在國北所謂共北山也仙者孫登之所處袁彥伯竹林七賢傳嵇叔夜嘗採藥山澤遇之于山冬以被髮自覆夏則編草為裳彈一絃琴而五聲和

其水三川南合謂之清川又南逕凡城東

司馬彪袁山松郡國志曰共縣有凡今案趙作汎亭周

凡伯國春秋隱公七年經書王使凡伯來聘是也杜預曰汲郡共縣東南有凡城今在西南

其水又西南與前四水總為一瀆又謂之陶山南流

注于清水清水又東周新豐塢又東注也太平寰宇記引注五

里泉在修武鄉今佚

東北過獲嘉縣北

漢書稱越相呂嘉反武帝元鼎六年巡行于汲新

中鄉得呂嘉首新今本誤作郡沈炳異曰時無汲郡○今按戴趙仍作郡因以

為獲嘉縣後漢封侍中馮石為侯國縣故城西有

漢桂陽太守趙越墓冢北有碑越字彥善縣人也

累遷桂陽郡五官將尚書僕射遭憂服闋守河內

尹建寧中卒碑東又有一碑碑北有石柱石牛羊

虎俱碎淪毀莫記

清水又東周新樂城

城在獲嘉縣故城東北即汲之新中鄉也

又東過汲縣北

縣故汲郡治晉太康中立

城西北有石夾水飛湍濬急今按趙有也字人亦謂之礮溪

言太公常今按戴作嘗釣于此也

城東門北側有太公廟廟前有碑碑云太公望者

河內汲人也縣民故會稽太守杜宣白令崔瑗曰

太公本生于汲今本誤作甫以隸釋校改○今按戴趙並依改舊居猶存

君與高國同宗太公載在經傳今臨此國宜正其

位以明尊祖之義于是國老王喜廷椽鄭篤功曹

邵勤等趙一清曰邵多作邵以隸釋校咸曰宜之

遂立壇祀為之位主

城北三十里有太公泉

泉上又有太公廟廟側高林秀木翹楚競茂相傳

云太公之故居也晉太康中范陽盧無忌為汲令

立碑于其上太公避紂之亂屠隱市朝遯釣魚水

何必渭濱然後磻溪苟愜神心曲渚則可磻溪之

名斯無嫌矣

清水又東逕故石梁下

梁跨水上橋石崩褫餘基尚存

清水又東與倉水合水出西北山上西倉谷今按此

無戴作水出西北

方山在衛縣方山五字以太平寰宇記校增○今按趙依增戴無

珉石故名焉

其水東南流潛行地下又東南復出俗謂之雹水東

南歷姆野

自朝歌以南南暨清水土地平衍據皋跨澤悉姆

野矣郡國志曰朝歌縣南有牧野竹書紀年曰周

武王率西夷諸侯伐殷敗之于姆野詩所謂姆野  
洋洋檀車煌煌者也有殷大夫比干冢前有石銘  
題隸云殷大夫比干之墓所記唯此今已中折不  
知誰所誌也太和中高祖孝文皇帝南巡親幸其  
墳而加弔焉刊石樹碑列于墓隧矣

雹水又東南入于清水又東南逕合城南

故三會亭也以淇清合河故受名矣

清水又屈而南逕鳳今按趙皇臺東北南注之

此也又東入于河

又東入于河

謂之清口即淇河口也蓋互受其名耳地理志曰清  
河水出內黃縣南無清水可求今按戴趙均作來所有者唯  
鍾是水耳蓋河徙南注清水瀆移匯流逕絕餘目尙  
存故東川有清河之稱相嗣不斷曹公開白溝遏水  
北注方復故瀆矣

淇水

淇水出河內隆慮縣西大號山

山海經曰淇水出沮洳山水出山側頽波瀾注衝激

橫山山上合下開可減六七十步巨石礫砢交積隍

澗傾瀾澹今按戴盪勢同雷轉激水散氛曖若霧合

又東北沾水注之水出壺關縣東沾臺下沾水見漢志有沾水

因有沾縣有沾縣因有沾城而并有沾臺晉書誤以沾為沾楊正衡音釋不能正其謬幸胡三省能言之

而今本水經亦以沾為沾未有能言其失者按魏書地形志樂平縣有沾城○梓材按趙氏朱箋刊誤引

全氏曰漢書地理志上黨郡壺關縣下云沾水東至朝歌入淇此即沾縣所以得名也有沾縣因有沾城

魏書地形志樂平縣有沾城是也有沾城因有沾臺晉書誤以沾城為沾城而注亦謫沾臺為沾臺何

超晉書音義從而實之賴有胡梅礪不錯沾今石壁崇校正其語較詳○今按戴趙並依全改沾

高昂藏隱天泉流發于西北隅與金谷水合金谷即沾臺之西溪也東北會沾水又東流注于淇今案此二字戴

作淇淇水又逕南羅川又歷三羅城北梓材案舊本作之羅城北

趙氏朱箋刊誤云之全校改三○今按戴趙並依改東北與女臺水合水發西

北三女臺下東北流注于淇淇水又東北逕今按戴作歷

淇陽川逕石城西北

城在原上帶澗枕淇

淇水又東北西流水注之水出東大嶺下西流逕石

樓南

在北陵石上練垂桀立亭亭極峻

其水西流水也又東逕馮都壘南

世謂之淇陽城在西北三十里

淇水又東出山分爲二水水會立石堰過水以沃白

溝左爲菟水右則淇水自元甫城東南逕朝歌縣北

竹書紀年晉定公二十八年沈炳巽曰是晉定公十八年

此徑改淇絕于舊衛卽此也淇水又東屈而西轉逕

頓邱北故闕駟云頓邱在淇水南又屈逕頓邱西

爾雅曰山一成謂之頓邱釋名謂一頓而成邱無

高下大小之殺也詩所謂送子涉淇至于頓邱者

也魏徙九原西河土軍諸胡置五軍于邱側故其

名亦曰五軍也今按此上八十七字戴本移置本篇下文淇水又北之下惟戴無又

屈逕頓邱北六字故云八十一字太和頓邱縣太

又亦曰五軍也戴改五軍爲土軍處有脫文

泉源水今按句首戴水有二源一水出朝歌城西北

一出東南此下又有脫文

老人晨將渡水而沈吟難濟紂問其故左右曰老

者髓不實故畏今按戴寒也紂乃于此斲脛而視

髓也

其水南流東屈逕朝歌城南

晉書地道記曰本沫邑也詩云爰采唐矣沫之鄉

矣殷王武丁始遷居之爲殷都也禹貢今按此二

紂都在紂都在冀州大陸之野卽此矣按此句蓋

大陸之注不然禹有糟邱酒池之事焉有新聲靡

樂號邑朝歌晉灼曰史記樂書紂爲今按戴朝歌

之音朝歌者歌不時也故墨子聞之惡而迴車不

逕其邑論語撰今按戴考識曰邑名朝歌顏淵不

舍七十弟子掩目宰子獨顧由蹙今按戴作蹙墮車

宋均曰子路惡今按戴作患宰子顧視凶地故以足蹶

之使墮車也今城內有殷鹿臺紂昔自投于火處

也竹書紀年曰武王親禽帝受辛于南單之臺遂

分天之明南單之臺蓋鹿臺之異名也武王以殷

之遺民封紂子武庚于茲邑分其地為三曰邶鄘

衛使管叔蔡叔霍叔輔之為三監後今按戴無此字叛周

討平以封康叔為衛箕子佯狂自悲逕其墟父母

之邦也不勝悲作麥秀歌故琴操有箕子操今按此七

字戴趙俱移地居河淇之間後乃屬晉梓材案舊本

在逕其墟上河淇之間戰國時皆屬于趙男女淫縱有紂之遺

風後乃屬晉趙氏朱箋刊誤引全校曰後乃屬晉

四字當移在戰國時皆屬于趙之上不然三家分

晉趙乃在後若云造父之國則又不得云戰國時

也○今按此四字趙依全移戰國時皆屬于趙男

女淫縱有紂之餘今按趙風山今按戴險多寇漢

以虞詡為令朋友以難治致弔詡曰不遇盤根錯

節何以別利器乎

又東與左水合謂之馬溝水水出朝歌城北東流南

屈逕其城東又東流與美溝合水出朝歌西北大嶺



下東出今按戴作流逕駱駝谷于中逶迤九十曲故俗有

美溝之目矣歷十二嶠嶠流相承泉響不斷返水捍

注港浚今按戴作捲復深隍隍間積石于通水穴萬變觀者

若思不周賞情乏圖狀矣其水東逕朝歌城北又東

南流注馬溝水又東南注淇水為肥泉也故衛詩曰

我思肥泉茲之永歎毛注曰同出異歸為肥泉爾雅

曰歸異出同曰肥釋名曰本同出時所浸潤今按戴有水字

少所歸各今按戴無此字枝散而多似肥者也犍為舍人曰

水異出流行合同曰肥今是水異出同歸矣博物志

謂之澳水

詩云瞻彼淇澳棗竹猗猗毛云棗王芻也竹篇今按

戴作編竹也漢武帝塞決河斬淇園之竹木以為用

寇恂為河內伐竹淇川治矢百餘萬以益今按戴作輸

軍資今通望淇川無復此物唯王芻篇草不異毛

興又言澳隈也鄭亦不以為津源而張司空專以

為水流入于淇非所究也然斯水即詩所謂泉源

之水也故衛詩云泉源在左淇水在右衛女思歸

指以為喻淇水左右蓋舉水所入為左右也

淇水又南歷枋堰舊淇水口東流逕黎陽縣界南入

河地理志曰淇水出共東至黎陽入河溝洫志曰在

遮害亭西一今案戴無此字十八里至淇水口是也漢建安

九年魏武王于水口下大枋木以成堰遏淇水東入

白溝以通漕運故時人號其處為枋頭是以盧諶征

艱賦曰後背洪枋巨堰深渠高隄者也自後遂廢魏

熙平中復通之故渠歷枋城北東出今瀆破故堰今按

戴作塌其堰悉鐵柱木石參用其故瀆南逕枋城西又

南分為二水一水南注清水水流上下更相通注河

清水盛北入故渠自此始矣一水東流逕枋城南東

與宛口合趙氏朱箋刊誤云宛口寰宇記作苑口下

澳苑聲相近○今按戴趙並作苑口苑水上承淇水于元甫城西北平

寰宇記引經滄水出魏郡朝歌按漢志朝歌屬河內

非魏也是樂史之誤矣又經無滄水疑是澗水即苑

水白石堰東苑城西屈逕其城南又東南流歷五今按

戴作土下同軍東北得舊石澗今案戴作澗故五水分流世號

五穴口今惟通并為二水今按趙無此字一水西注淇水謂

之天井溝一水逕五軍東分為蓼溝東入白祠陂白祠

一作白祀○今按戴趙俱作祀下同又南分東入同山陂溉田七十餘

頃二陂所結即臺陰野矣苑水東南入淇水淇水古

合宿胥故瀆瀆受河于頓邱縣遮害亭東黎山西北

會淇水處立石堰遏水令更東北注魏武開白溝因

宿胥故瀆而加其功也故蘇代曰決宿胥之口魏無

虛頓邱即指是瀆也胡渭曰宿胥故瀆以下疑即漢志隆慮之國水所由以入張甲

者淇水又東北流謂之白溝逕雍榆城南

春秋襄公二十三年叔孫豹救晉次于雍榆者也

淇水又北今按趙無此二字逕其城東東北逕同山東又按

此下趙有北逕其城東五字東北逕帝嚳冢西

世謂之頓邱臺非也皇覽曰帝嚳冢在東郡濮陽

頓邱城南臺陰野中者也

又北逕白祠山東歷廣陽里逕顓頊冢西

俗謂之殷王陵非也帝王世紀曰顓頊葬東郡頓

邱城南廣陽里大冢者是也

淇水又北逕今按此下戴有屈而西轉至亦曰土頓軍也八十一字是從上文移置者

邱縣故城西今按頓邱上戴有又屈二字

古文尚書以為觀地矣蓋太康弟五君之號曰五

觀者也竹書紀年晉定公三十一年城頓邱皇覽

曰頓邱者城門名頓邱道世謂之殷皆非也蓋因

邱而為名故曰頓邱矣

淇水東北逕枉人山東牽城西

春秋左傳定公十四年公會齊侯衛侯于牽者也

杜預曰黎陽東北有牽城即此城矣

淇水又東北逕石柱岡東北注矣

又東過內黃縣南爲白溝

淇水又東北逕并陽城西

世謂之辟陽城非也卽郡國志所謂內黃縣有并陽聚者也

白溝又北左合蕩水又東北流逕內黃縣故城南縣右對黃澤

郡國志曰縣有黃澤者也地理風俗記曰陳留有外黃故加內史記曰趙廉頗伐魏取黃卽此縣

屈從縣東北與洹水合

白溝自縣北逕戲陽城東

世謂之義陽郭

按說文義當作蕭又見范史光武帝紀章懷注曰蕭陽聚名屬魏郡亦見郡國志○今按春秋昭公十年沈炳巽曰戴依此徑改蕭陽聚

荀盈如齊逆女還卒戲陽是也

白溝又北逕高城亭東洹水從西南來注之又北逕問亭東

卽魏界也魏縣故城應劭曰魏武侯之別都也城內有武侯臺王莽之魏城亭也

左與新河合洹水枝流也白溝又東北逕銅馬城西蓋光武征銅馬所築也故城得其名矣

白溝又東北逕羅勒城東又東北漳水注之謂之利

漕口自下清漳白溝淇河咸得通稱也

又東北過館陶縣北又東北過清淵縣西

白溝水又東北逕趙城西又北阿難河出焉蓋魏將

阿難所導以利衡瀆首今按戴作遂有阿難之稱矣按樂史曰

李阿難也白溝又東北逕空陵城西又北逕喬亭城西

東去館陶縣故城十五里縣即春秋所謂冠氏也

魏陽平郡治也

其水又屈逕其縣北又東北逕平恩縣故城東

地理風俗記曰縣故館陶之別鄉也漢宣帝元康

三年沈炳異曰是地節三年○置以封后父許伯

為侯國地理志王莽之延平縣矣

淇今按戴作淇其下同水又東過清淵縣故城西又歷縣之西

北為清淵故縣有清淵之名矣

世謂之魚池城非也

淇水又東北逕榆陽城北

漢昭帝封太常江德為侯國是武帝封非昭帝且以圍嗇夫封非太常

沈炳異曰漢表作轅陽褚先生作潦城小司馬曰表在清河志作繚今是注作榆楊誤矣○今按戴

依此徑改武帝文穎曰邑在魏郡清淵按清河有繚縣非魏也蓋因清淵而

譌世謂之清淵城非也

又東北過廣宗縣東為清河

清河東北逕廣宗縣故城南

順帝永元五年封皇太子萬年為王國

沈炳異曰 范史章帝

八王少子廣宗殤王萬歲以和帝永元五年封注未覈○今按戴依此徑改和帝

田融言

趙立建興郡于城內置臨清縣于水東自趙石始

也清河之右有李雲墓雲字行祖甘陵人好學善

陰陽舉孝廉遷白馬令中常侍單超等立掖庭女

亳氏為后后家封者四人賞賜巨萬雲上書移副

三府曰孔子云帝者諦也今尺一拜用不經御省

其是帝欲不諦乎帝怒下獄殺之後冀州刺史賈瑤

使行部過祠雲墓刻石表之

瑤范史作琮○今按戴趙依此徑改琮

今石柱尚存俗猶謂之李氏石柱

清河又東北逕界城亭東

水上有大梁謂之界城橋英雄記曰公孫瓚擊青

州黃巾賊大破之還屯廣宗袁本初自往征瓚合

戰于界橋南二十里紹將麴

今按趙作鞠

義破瓚于界

城橋斬瓚冀州刺史嚴綱又破瓚殿兵于橋上即

此梁也世謂之鬲城橋蓋傳呼失實矣

清河又東北逕信鄉西

地理風俗記曰甘陵西北七十里有信鄉故縣也

清河又北逕信城縣故城西

應劭曰甘陵西北五十里有信城亭故縣也趙置水東縣于此城故亦曰水東城

清河又東北逕清陽縣故城西

漢高帝置清河郡治此中二年沈炳異曰是三年

中三年而移下景帝封皇子乘為王國王莽之

平河也漢光武建武二年西河鮮于冀為清河太守作公廨未就而亡後守趙高計功用二百萬五

官黃秉功曹劉適言四百萬錢于是冀乃鬼見白日道從入府與高及秉等對共計校定為適秉所

割匿冀乃書表自理其略言高貴不尙節畝壟之

夫而箕踞遺類研密失機婢妾其性媚世求顯偷

竊銀艾鄙辱天官趙一清曰太平廣記引作儉竊

二句易譏負乘誠高之謂臣不勝鬼言謹因千里

驛聞付高上之便西北去三十里車馬皆滅不復

見秉等皆伏地物故高以狀聞詔下還冀西河田

宅妻子焉兼為差代以旌趙一清曰廣記作弭幽

中之訟漢桓帝延和元年沈炳異曰是建和三年

年改清河為甘陵王國以王妖言徙其年立甘陵

郡治此焉

又東北過東武縣西

淇水

五

清河又東北逕陵鄉西

應劭曰東武城西南七十里有陵鄉故縣也後漢

封太僕梁松為侯國按陵鄉是梁統所封而松襲之故世謂之梁

侯城遂立侯城縣治也魏志清河郡侯城縣太和十三年置

清河又東北逕東武城縣故城西

史記趙公子勝號平原君以解邯鄲之功受封于

此定襄有武城故加東矣

清河又東北逕復陽縣故城西

漢高帝七年封右司馬陳胥為侯國按陳胥所封索隱曰南陽

據地志則南陽是侯國善長非也王莽更名之曰樂歲地理風俗

記曰東武城西北三十里有復陽亭故縣也世名

之曰檻城非也

清河今按趙有水字又東北流逕棗彊縣故城西

史記建元以來王子侯者年表云漢武帝元朔二

年封廣川惠王子晏為侯國也應劭地理風俗記

曰東武城今按戴有縣字西北五十里有棗彊城故縣也

又北過廣川縣東

清河北逕廣川縣故城南

闕駟曰縣有長河為流故曰廣川也水側有羌壘

姚氏之故居也今廣川縣治



清河又東北逕歷縣故城南

地理志信都之屬縣也王莽更名曰歷寧也應劭曰廣川縣西北三十里有歷城亭故縣也今亭在縣東如北水濟尚謂之爲歷口渡也

又東過脩縣南又東北過東光縣西

清河又東北左與張甲屯絳故瀆合阻深隄高鄣無復有水矣又逕脩縣故城南屈逕其城東

脩音條三字注中注○趙本引全氏校語王莽更名之曰治脩本

作脩治○今按郡國志曰故屬信都戴徑改脩治

清河又東北左與橫漳枝津故瀆合又東北逕脩國

故城東

漢文帝封周亞夫爲侯國故世謂之北脩城也

清河又東北逕邸閣城東

城臨側清河晉脩縣治城內有縣長魯國孔明碑

清河又東至東光縣西南逕胡蘇亭卽所謂胡蘇河

者是也今按此七字戴作地理志東光有胡蘇亭者也十一字趙僅者是二字而云上下有脫誤

世謂之羌城非也

又東北右會大河故瀆又逕東光縣故城西

後漢封耿純爲侯國初平二年黃巾三十萬人入渤海公孫瓚破之于東光界追奔是水斬首三萬

全核方經注 卷三  
流血丹水卽是水也

又東北過南皮縣西

清河又東北無棣溝出焉東逕南皮縣故城南又東

逕樂亭北

地理志之臨樂縣故城也王莽更名樂亭晉書地

道志太康地記樂陵國有新樂縣卽此城矣

又東逕新鄉城北

卽地理志高樂故城也王莽更之曰爲鄉矣

無棣溝又東分爲二瀆無棣溝又東逕樂陵郡北又

東屈而北出又東轉逕苑鄉縣故城南又東南逕高

成縣故城南與枝瀆合瀆上承無棣溝南逕樂陵郡  
西又東南逕千童縣故城東

史記建元以來王子侯者年表曰故重也一作千

鍾沈炳巽曰按史記表是平原郡之重邱一作千

鍾故表稱千鍾侯陰徐廣曰一作重而漢表直

作重侯小司馬曰屬平原若渤海郡之漢武帝元

朔四年封河間獻王子劉陰爲侯國應劭曰漢靈

帝改曰饒安也滄州今按戴治

枝瀆又南東屈東北注無棣溝無棣溝又東北逕一

故城北  
世謂之功城也

又東北逕鹽山東北入海

春秋僖公四年

今按趙無此二字

齊楚之盟于召陵也管

仲曰昔召康公賜

一作錫。今案趙作錫

命先君太公履北

至于無棣蓋四履之所也京相璠曰舊說無棣在

遼西孤竹縣二說參差未知所定然管仲以責楚

無棣在此方之為近既世傳已久且以聞見書之

清河又東北逕南皮縣故城西

十三州志曰章武有北皮亭故此曰南皮也王莽

之迎河亭史記惠景侯者年表云漢文帝後元年

封孝文后兄子彭祖為侯國

按彭祖是文帝後七年崩後景帝所封

按戴作景帝後七年趙作景帝後元中而辨之建安中魏武擒袁譚于此

城也

清河又北逕北皮亭東左會滹池

今按戴作沱

別瀆今按戴作

別河謂之合口故字而有城字謂之合城也

地理風俗記曰南皮城北五十里有北皮城也今按

戴無也字而有即是城矣四字

又東北過浮陽縣西

清河東北

今按戴有流字

浮水故瀆出焉按史記趙之南界

有浮水焉浮水在南而此有浮陽之稱者蓋浮水出

入津流同逆混并清漳二瀆河之舊道浮水故迹又

自斯別是縣有浮陽之名也首受清河于縣界東北

逕高成縣之苑鄉城北又東逕章武縣之故城北

漢文帝後元年封孝文后弟竇廣國為侯國按廣國亦

是景帝後七年所封○今按戴徑改景帝後七年

中立章武郡治此

浮水故瀆又東逕篋山北

魏土地記曰高成東北五十里有篋山長七里

浮瀆又東北逕柳縣故城南

漢武帝元朔四年封齊孝王子劉陽為侯國地理

謂之辟亭非也

浮瀆又東北逕漢武帝望海臺又東注于海應劭曰

浮陽今按戴有縣字浮水所出入海朝夕今按戴作潮汐往來日再

今溝無復有水也清河又北分為二瀆枝分東出又

謂之浮瀆清河又北逕浮陽縣故城西

王莽之浮城也建武十五年更封驍騎將軍平鄉

侯劉歆為侯國浮陽郡治

又東北滹沱別瀆注焉謂之合口也

又東北過濊邑北

濊水出焉亦見濁漳水篇

又東北過鄉邑南

鄉字疑是柳字之譌但考六朝時上黨郡有鄉縣中山郡有鄉城則或別

有鄉邑亦未可知

清河又東分爲二水枝津右出焉東逕漢武帝故臺北

魏土地記曰章武縣東一今按戴無此字百里有武帝臺

南北有二臺相去六十里基高六十丈俗云漢武

帝東巡海上所築

又東注于海清河又東北逕紵姑邑南

俗謂之新城非也

又東北過窮河邑南

清河又東北逕窮河邑南

俗謂之三女城非也

東北至泉州今按趙作周下同縣北入滹沱今案戴作沱水經曰

笥溝至泉州縣東南今按戴移此二字於笥溝下與清河合者目

爲清河下邑也今按此句戴作自下爲派河尾也又東泉州水出焉

所引經文見清水篇○今按泉州水戴作泉州渠其作泉出渠者刊誤也

又東北過漂榆邑入于海

清河又東逕漂榆邑故城南

俗謂之角飛城趙記云石勒使王述煮鹽于角飛

卽城之異名矣魏土地記曰高成縣東北一今按戴無

此百里北盡漂榆東臨巨海民咸煮海水藉鹽為業即此城也

清河自是入于海

蕩水

蕩水出河內蕩陰縣西山東

蕩水出縣西石尚山泉流逕其縣故城南

縣因水以取名也今按戴晉伐成都王穎敗帝于

是水之南盧緄四王起事曰惠帝征成都王穎戰

敗時舉輦司馬八人輦猶在肩上軍人競就殺舉

輦者乘輿頓地帝傷三矢百僚奔散唯侍中嵇紹

扶帝士將兵之帝曰吾吏也勿害之眾曰受太弟

命唯不犯陛下一人耳遂斬之血汗帝袂將洗之

帝曰嵇侍中血勿洗也此則嵇延祖殞命之所

又東北至內黃縣入于黃澤

羨水出蕩陰西北韓大牛泉地理志曰縣之西山羨

水所出也羨水又東逕韓附壁北又東流逕羨城北

故羨里也史記音義曰牖里在蕩陰縣廣雅牖獄

犴也梓材按舊本作稱獄犴也趙氏朱箋刊誤云稱全氏校改牖○今案戴趙竝依改夏

曰夏臺殷曰羨里周曰囹圄皆圜土昔殷紂納崇

侯虎之言囚西伯于此散宜生南宮括見文王乃

演易用明否泰始終之義焉

羸城北水積成淵方一今按戴無此字十餘步深一丈餘東

至內黃與防水會水出西山馬頭澗東逕防城北

盧諶征艱賦所謂越防者也

其水東南流注于羸水又東歷黃澤入蕩水地理志

曰羸水至內黃入蕩者也蕩水又東與長沙溝水合

其水導源黑山北谷東流逕晉鄙故壘北

謂之晉鄙城名之為魏將城昔魏公子無忌矯奪

晉鄙軍于是處故班叔皮遊居賦曰過蕩陰而弔

晉鄙責公子之不臣者也

其水又東其流俗本誤作淇謂之宜師溝又東逕蕩陰縣南

又東逕枉人山東北至內黃縣右入蕩水亦謂之黃

雀溝是水秋夏則泛春冬則耗蕩今按趙作其水又逕內

黃城內

陳留有外黃故稱內也

東注白溝

洹水

洹水出上黨泜氏縣

水出洹山山在長子縣也

東過隆慮縣北

縣北有隆慮山昔帛仲理之所遊神也縣因山以取名漢高帝六年封周竈為侯國應劭曰殤帝曰隆故改從林也

縣有黃華水出于神囷之山黃華谷北崖上山今按趙無

此高十七里水出木門帶帶即山之第三級也去地

七里懸水東南注壑直瀉巖下狀若雞翹故謂之雞

翹洪蓋亦天台赤城之流也北堂書鈔引注黃華谷內西洪邊有一洞深數

丈去地千餘仞俗謂之聖人穴其水東流至谷口潛

按太平寰宇記亦引此文稍異

入地下東北一今按戴無此字十里復出名柳渚渚周四五

里是黃華水重源再發也東流葦泉水注之水出林

慮山北澤中東南流與雙泉合水出魯般門東下流

入葦泉水葦泉水又東南流注黃水謂之陵陽水又

東入于洹水也

又東北出山過鄴縣南

洹水出山東逕殷墟北

竹書紀年曰盤庚即位自奄遷于北蒙曰殷梓材按舊

本作自奄遷于此遂曰殷趙氏朱箋刊誤昔者項

羽與章邯盟于此地矣

洹水又東枝津出焉東北流逕鄴城南謂之新河又

東分爲二水北水逕今按此三字戴作一水北逕四字東明觀下



昔慕容雋夢石虎齧其臂寤而惡之購求其尸而  
莫知之今按此二字戴乙後宮嬖妾言虎葬東明觀下于  
是掘焉下度三泉得其棺剖棺出口尸僵不腐雋  
罵之曰死胡安敢夢生天子也使御史中尉陽約  
數其罪而鞭之此蓋虎始葬處也

又北逕建春門

石梁不高大治石工密舊橋首夾建兩石柱螭矩  
趺勒甚佳乘輿南幸以其作制華妙致之平城東  
側西闕北對射堂淥水平潭碧林側浦可遊憩矣  
淇水際其西梓材案舊本作其水際其西趙氏朱箋刊誤引全氏云其水當加水作淇淇水

經云屈從縣東北與洹水合是也逕魏武玄武故苑  
○今按此五字戴作其水西三字苑舊有玄武池以肄舟楫有漁梁釣臺竹木灌叢

今池林絕滅略無遺跡矣

其水西流注于漳南水又今按戴無此字東北逕女亭城北

又東北逕高陵城南東合坳溝又東逕鷓鴣陂北與

台陂水合陂東西三十里南北趙一清曰下有脫文注白溝河

溝上承洹水北絕新河北逕高陵城東又北逕斥邱

縣故城西

縣西南角有斥邱蓋因邱以氏縣故乾侯矣春秋

經書昭公二十八年公如晉次于乾侯也漢高帝

六年封唐厲為侯國王莽之利邱矣  
又屈逕其城北東北流注于白溝洹水自鄴東逕安陽縣故城北

徐廣晉紀曰石遵自李城北入李城見續漢志今本晉書載記或作季城者謬斬張豺于安陽是也魏土地記曰鄴城南四

十里有安陽城城北有洹水東流者也  
洹水又東至長樂縣左側白今按此二字戴作則枝溝出焉洹

水又東逕長樂縣故城南

按晉書地理志曰魏郡有長樂縣也

又東過內黃縣北東入于白溝

洹水逕內黃縣北東流注于白溝世謂之洹口今按趙作

水也許慎說文呂忱字林並云洹水出晉魯之間按

水在晉衛之間非魯也許呂之言蓋因聲伯之夢而譌

昔聲伯夢涉洹水或與之瓊瓊今按戴作而食之

泣而又為瓊瓊盈其懷矣從而歌曰濟洹之水贈

我以瓊瓊歸乎歸乎瓊瓊盈吾懷乎後言之之暮

而卒即是水也



